

通化縣志卷二

人民總序



善夫馬貴與先生之言曰古者戶口少而皆才智之人後世生齒繁而多窳隋之輩烏虜吾反覆誦公之言而不禁慄然以懼也夫等是人也古之人方其爲士則道問學及其爲農則力稼穡及其爲工商則懋遷有無及其爲兵則嫻戰陣投之所向無不如意此三代之民所以熙熙皞皞而無凍餒之患也若降至晚近則不然矣士拘於經義辭章而授以介冑則慙農安於隴畝而問之刀筆則廢商安於市廛而令之執戈矛則怯兵習於怠惰而使之守城則倍畔甚者謀不足以剪除姦兇而詐足以威揚禍福勇不足以鎮衛社稷而暴足以

侵害閭里嗚呼古之所謂爲民者四今之所謂爲民者不知凡幾矣古之所謂農之家一者而今之食粟者不知凡幾矣古之所謂工之家一者而今之用器者不知凡幾矣古之所謂賈之家一者而今之資焉者又不知凡幾矣是以生寡食衆用急爲舒遂致天不能養地不能長百物不能產而至於不可以爲生矣雖有上聖其若之何爲今之計欲厚民風而端趨向宜普及學校以固結人心嚴禁無秩序之平等無界說之自由並望鄉賢鄉紳之強有力者銳意於民德民風提倡忠孝以爲修身之本廣播節烈以爲齊家之源並宜將先賢先哲之嘉言懿行可歌可泣者妥爲講演以資鼓勵庶幾水流涇火就燥一人向善輒千萬人亦與之俱爲善矣雖然移風易俗類非俗



吏之所能爲也世之關心民瘼者或不河漢余言乎爰志人民首叙  
耆舊次斜科舉再次叙學校再次叙鄉宦再次叙鄉賢再次叙鄉紳  
再次叙義勇再次叙節烈再次叙孝友再次叙公益再次叙方伎再  
次叙流寓再次叙自治再次叙戶口再次叙兵事再次叙禮俗再次  
叙宗教再次叙慈善再次叙僑民計分十九門都爲第二卷



人物志

語曰十步之內必有芳草十室之邑必有忠信通化境屬白山綿亘  
佟水清漪其扶輿磅礴之氣山川鍾毓之靈自必有賢人君子淑女  
賢媛應運而出藉以維持風化砥礪士行焉惟我縣設治較晚文化  
未能普及僻佐山陬之民其庸言庸行可傳諸志乘而採訪尙有未  
及者爲不少矣是編所載耆舊鄉賢忠孝節義或本史乘之流傳或  
徵旌坊之實蹟其信而傳疑者不錄焉所望後之覽者念前人之懿  
行垂來樸之法戒務宜父詔兄勉家諭戶曉以嘉言懿行爲規範以  
服務社會爲天職庶幾風俗不變人才蔚興則非特閭里之光抑亦  
邦家之榮也因以志人物



人物志

耆舊

通化本屬遼東郡地舉凡秦漢以後遼東之人物卽爲我邑之人物亦卽我邑之鄉賢物望也爰於盛京通志採擇耆舊以資後人觀感

李久 遼東人漢安帝時海賊張伯路寇東萊爲青州刺史法雄所破逃還遼東久率鄉勇等共斬之遼地賴之以安

高詡 遼東人生於晉時善天文有權略因永嘉之亂避地隱居後爲郎中令又進爲元菟太守及甞破慕容仁復遼東欲盡坑其民詡諫止之

晁清 遼東人生於南北朝時襲伯爵戍守梁師攻圍糧盡城陷清抗節不屈後贈樂陵太守諡曰忠

高憲 遼東人生於金時天資穎悟博學強記爲博州防禦判官後遼陽城破死於難

高應詔 遼東人明時以指揮同知分防水冶鎮明末流賊東下應詔率兵連戰破之賊大舉入寇復拒之於倪村孤軍援絕遂戰死賊退民求得其屍葬鎮之東原

楊國柱 字廷石明時人籍屬遼東精騎射以功佩將軍印總宣鎮兵死於戰建祠歲祀額曰旌烈

王世泰 遼東人明崇禎時以歲貢知內邱寇掠西山弟世寧禦之戰死



李輔明 遼東人明時任山西總兵官罷歸戰歿於寧遠贈左都督  
列壇前屯衛祀之

李允升 遼東人順治六年以貢生知長子縣姜逆之亂其黨沈某  
夜半冒官兵入城允升被執不屈死之

吳國用 遼東人順治六年知霍印縣時陳伯紹倡亂擁衆入城國  
用揮刀躍馬率甲士巷戰力盡自刎贈按察司僉事廕一子

劉秉權 遼東人康熙七年巡撫廣東懲貪墨禁加派革供應風紀  
肅然時方巡然展界秉權安插男女十六萬有奇墾田二萬五  
千餘頃至復竈丁而鹽課足減屯賦而成卒安重師儒而文風  
振皆治績之最著者也後以積勞卒於官

徐起元 遼東人明萬曆壬子舉人爲鄖陽巡撫適當闖賊之亂起  
元以秘計殺賊孤城獨完及清朝以功封太子大保卒謚僖靖  
張文德 遼東人順治三年知垣曲縣刑清政簡潔已愛民卒於官  
士民感涕建祠祀之



科舉志

舉人

李祖培 字蔭滋縣西四區老把頭攻人也幼時讀書別有慧心師曾譽之曰此棟梁材也果於丁酉年舉於鄉後主長春黑龍江書院山長多年詩文雄邁書法圓潤

魁斌 字文閣樣子哨人也書法平正惟淹貫經史爲文取法古文而不規規於時藝登甲午賢書

武舉

馮景山 有膂力善騎射頗有驍勇縣城人也

恩貢

王紹蘭 字甌臣縣城人也賦性忠誠治家有法

歲貢

張忠愛 字子博縣城人人極沈着性喜吟咏著有篁村詩集現已散佚



大學校畢業生志

蕭注禹 字宜民其先祖籍黑山宦遊瀋水遂家焉後移居本邑爲縣名族君幼而好學手不釋卷畢業於北京中國大學法科政治系歷充中俄交涉會議兩署事務員塞北關監督公署秘書上辦事奉天法庫縣公署秘書河北安次縣官產局總務科科長等職嗣以親老多病弟幼子亦少不更事於事變後歸奉菽水承歡膝前趙公錫三任圖書館長薦君襄助多利賴之君亦樂爲地方盡力酬水土恩云

楊福第 前北京民國大學法科畢業生歷充吉林陸軍整理處書記長各軍書記官軍法官等職離鄉游宦多年未歸近聞已作

古人矣

袁常恩 字光顏北京中國大學法科政治系畢業歷充奉天遼源縣第二科科長承審員省立第四中學教員現任遼源師範國文教員

楊金聲 字振之畢業於北京中國大學法科政治系曾任錦縣地方法院書記官鐵嶺地方法院學習推事遼源縣清鄉承審員第四軍管區騎兵第一旅軍需處長等職現任熱河省圍場縣承審員君性慷爽篤於友誼爲朋儕所樂近云

張國權 字偉民北京大學預科畢業歷充本縣初級中學教員校長等職



蘇 穢 字雨時天性孝友篤守倫常尤愛交遊尙義氣重然諾慷慨施予無難色也爲北京中國大學文科中國文學系畢業生曾充黑龍江省電話局科員事務主任等職現任哈爾濱特別市公署屬官

蘇 桐 字雨田雨時君之介弟也爲北京中國大學法科政治系肄業生因奉票毛荒金融緊急學費無出中途輟業論者多爲君惜而君投身新聞界初爲實聞通信社及實報主任記者爲新聞界聞人現獨立經營實聞通信社爲同人所推重

王永昌 字應五畢業於北平大學工學院電學科現任中國無線電業公司上海製造廠主任君性恬靜厚重寡言具有科學家態度爲該公司所依賴

趙鴻儒 字笑菴爲前東北大學文科英文系肄業生應瀋海鐵路局從業員考試列前茅實習後即供職於梅河口車站爲副站長歷轉營盤西安各站近聞轉勤奉山路究爲何站則未之悉也

黃成熹 字雨三爲東北大學理工學院理工系肄業生考取瀋海路從業員實習後供職數年因事辭退現任縣立西門裏小學校教員

周世富 字經九東北大學理工學院理工系畢業任職於前鐵路總局轉勤與否未得確息



蕭慧麟 天津河北大學法商學院法科經濟系畢業

尹宗伊 東北大學工科畢業因在校用功過度患盲腸炎症愈後  
考試畢業甫竣又患胃病百治不全聞已逝世惜哉

李慰麟 字潤珩北京朝陽學院法科法律系肄業

尚馨林 字曼華北平大學法學院俄文法學系肄業

才詠雪 字詩庭適吉林厚氏北平中國大學商科畢業現充小學

教員

張桂珍 適李氏北平朝陽學院法律系肄業

留學生志

王恒顯 字君謨畢業於日本東京工業大學

陳士瀛 字仙洲畢業於日本仙台高等工業專門學校電氣部

李德海 字靖清畢業於日本東京商科大學銀行系

楊福元 字少松畢業於日本東京商科大學

王國瑞 字家傑四區敏樹村人也畢業於日本東京高等工業土

木工程科建築系

王國強 字人傑四區敏樹村人也畢業於日本東京商科大學

邵文靜 字穆倫邑紳邵公緯宸之女孫邵君化南之次女也肄業

於東京明治大學新聞學系

高等師範及專門畢業生志

韓英 字芝珊北洋高等師範數理化科畢業曾充各高級中學



數學教員

趙煥超 字騰霄北洋高等師範史地科畢業曾充安東縣道立中學學監

趙祥雲 字鵬超北京高等師範畢業

金殿桂 字友石奉天文學專修科畢業

高振武 字鏡寰奉天公立法政專門學校畢業

李春仁 字子沛奉天私立體育專門學校畢業

高中職工科畢業生志

譚尙志 字東明奉天第二工科高級中學化學科畢業現充本縣初級中學教員

李鳳臯 字 奉天第二工科高級中學化學科畢業現供職於

奉天鐵路總局

蔣敬典 字景堯東北交通職業學校電氣業務科畢業現充桓仁縣電報局事務員

遲文忠 奉天第二工科高級中學職業教育科畢業現充肇新窯業公司職員

新制師範畢業生志

李家驤 字家驤奉天第一師範文科畢業現任縣立英額埠小學校代理校長

戰廣智 字德誠奉天第一師範理科畢業現任縣立初中數理化



教員

張森 字蔭喬安東省立通化師範畢業

閻寶山 字岳五

王魁祥 字英瑞安東省立通化師範畢業現充撫松縣立東門裏  
兩級小學校教員

于國範 字興華安東省立通化師範學校畢業

葛長寶 字珮珊

隋溪 字雨秋

程志雲 字滌凡

郝億祥 字瑞先安東省立通化師範畢業現任通化師範附屬小

學校教員

楊書名 字子敏安東省立通化師範畢業現任通化師範附屬小  
學校教員

張寶恕 字貫一安東省立通化師範畢業通化師範附屬小學校  
教員

紀廣春 字也達安東省立通化師範畢業現任通化師範附屬兩  
級小學校教員

張振中 字惠民安東省立通化師範畢業現任臨江縣立八道江  
兩級小學校教員

王明善 字德軒安東省立通化師範畢業現任臨江縣立八道江



兩級小學校教員

孫珍 字品青

楊喜春 字新野

李得水 字星波

于國漢 字星源

王書田 字井百

王可訓 字迺彬

蓋益信 字仲方

邊玉琪 字潔珊

劉中義 字貫庸

通化縣志

卷二 學校志

趙月清 字靜華

高殿烈

張俊英 字育才

邢繼東 字質明

于國光 字墨達

王守經 字權之

趙殿卿 字曼青

才少英 字紹英

王春陽 字伯青

蔣敬謨 字景禹



趙鴻陸 字雁洲

于國棟 字中石

張學周 字召南

(以上均係安東省立通化師範畢業康德二年五月調查)

隋清 字月題安東省立通化師範畢業現肄業於國立軍醫學

校

關峻福 字良翰安東省立通化師範畢業現肄業於軍官候補生

連



初級師範畢業生志

李鎮華 字曉峯奉天兩級師範本科畢業歷充通化縣高等小學  
校教員縣立中學校教員縣教育會會長勸學所所長教育公  
所所長縣志編查館館長撫松縣清鄉調查員通化縣村政調  
查員清潔會會長孔學會正會長初級女子中學教員協和會  
通化辦事處處長縣志增修館館長

宋棟臣 字維邦奉天省立師範畢業歷充高小學校教員教育公  
所事務員現任縣立初級中學教員

于化周 字蔭棠奉天省立第一師範畢業膺縣立初級中學校數  
理教員嗣升教育公所事務員轉升充縣立初級中學校長因  
事去職憤恚成疾旋故

郭景華 字子陽畢業於奉天省立第一師範現任通化縣初級中  
學校教員

馬清川 字文泉畢業於奉天省立第一師範曾充通化第一第五  
縣立小學校教員通化縣立初級中學數理教員現任校長

溫成貴 字品一畢業於奉天省立第一師範曾充第二高小教員  
初級中學教員第七高小校長現任女子初中教員

崔玉璋 字石璞畢業於奉天第一師範任縣立中學教員後移居  
今之三江省通北縣任教育館館長兼農會會長

王輔漢 字志三省立第二師範畢業歷充各高小教員縣立第五



小學校校長現聞充差軍界

舊制中學校畢業生志

張錫純 字惟一奉天附屬中學校畢業曾充縣教育會會長高小  
中學教員縣立女子師範講習科教員財政局局長

李鳳彩 字雲五奉天附屬中學畢業現任縣立快大茂子兩級小  
學校校長

官潤章 字憲斌通化舊制中學校畢業曾充高小中學各校教員  
通化師範講習科初級中學校校長現任縣立師中校教員

閻鼎銘 字新三通化舊制中學校畢業曾充高小中學教員縣立  
四校暨一校校長

楊培武 字育文通化舊制中學校畢業曾充縣教育會會長高小  
教員縣立一校十一校校長現任女子師中校校長及教育會  
長

趙永清 字鏡波通化舊制中學校畢業曾充教育會會長高小教  
員民治七區區長一九公司副經理

張益文 字友三通化舊制中學校畢業曾充桓仁師範暨初級中  
學校英文教員現充通化縣立師中校教員

張兆文 字鑄秋通化舊制中學校畢業曾充縣立第三小學校校  
長現任通化縣公署內務局教育股科員

魏韞珊 字鐵岩舊制中學校畢業曾充高小初小教員清真學校



校長現任初小教員

南秉鈞 字子衡舊制中學校畢業曾充高小教員初小校長

盧盛蕘 字式之舊制中學校畢業曾充初小高小教員現任通化

縣公署內務局教育股科員

郎玉山 字鑑青舊制中學校畢業曾充縣立第一小學校教員

林棟梁 字任之

隋孝先 字顯揚

趙永明 字文久

黃忠俊 字子元曾充通化縣立第一小學校教員

趙永廉 字潔忱奉天省立第四中學校畢業嗣入稅務傳習所畢業

後充海城縣騰鰲堡稅捐分局主任現充財務局僱員

李慶和 字樂亭

藍興華 字振夏

任漢文 字倬雲

毛嘉言 字子謇

周紹綱 字文軒

遲發祥 字紫眞

楊福屋 字潤生

于化南 字召棠

張忠謨 字紹周通化舊制中學校畢業曾充小學校教員現充通化



縣立東江沿兩級小學校校長

朱文耀 字聚五

潘玉堃 字敬輿

杜小康 字晉三又字宜民

金殿榮 字麗青

遲德潤 字雨塵

張玉珍 字瑞琴

江鎮洲 字耀五

陳廣全 字嘉謨

李樹峯 字雲歧

以上均系通化舊制中學校畢業此係十五年份以前之調查

于淑貞 字斌俠

蕭淑雲 字迺銘

郭玉璋 字獻麒

以上三名均係奉天省立女子師範學校畢業

備考 其他簡易師範及師範講習科初級中學校之男女畢業生

因在學制上係補習性質故不錄



鄉宦志

王瀾湘 字戴澧本縣六區三棵榆樹人也弱冠後以屢戰童子軍不勝乃矢志東渡入日本宏文書院肄業畢業後歷充通化高等小學校教員縣立中學校教員縣教育會會長縣教育公所長奉天省議會第三屆改選君膺議員之選嗣蒙省憲委任爲牛海稅捐局局長一任數年清風兩袖迄今海邑人民猶嘖嘖盛道休養數年復任奉天省城禁煙局局長興城縣稅捐局長等職大同元年因患胃癢赴津就醫不效卒於醫院

高振武 字鏡寰族名品顯縣南五區大川村人也少慕任俠喜交游奉天法政學校畢業歷充鐵嶺審判廳書記官台安縣承審西豐縣司法公署審判官東三省兵工廠辦事員陸軍第八師師部軍法處長甄用法律專科甲等內務部自治講習所學員現充輝南縣縣長頗有政聲

王恒顯 字君謨縣東三區四道江人也少有大志倜儻不羣弱冠留學東瀛工業大學對於地質採礦特別注意畢業從蒙前熱河都統闕公子珍垂青遂電調委爲熱河財政廳科長

線松喬 字彭年精明幹練北洋警務畢業曾充吳淞烟台長春各埠警察署長濟南警廳督察長現任新京警察署長

鄭福祥 字席珊富於膽識驍有勇力少好佩刀劍喜乘良馬及長入行伍曾充陸軍連長副官警察區官因勞績卓著得有官勳



在案南口之役沒於軍可慨也夫

趙玉順 字荆山其先世覺羅人也學術優良經驗宏富好讀兵書頗得軍心曾充東北陸軍三十五團一營營長下花園役陣亡

胡名臣 字鐵藩邑附生也人極聰明學業優長於前清考職佐雜分往直隸候補民國元年署直隸深澤縣知事後充總統府政治顧問北京私立民國大學校長惜天不假年卒於差次否則前途成就未可量也

仇振名 字化南通化留學東洋之第一人也卒業於日本警監學校歷充安奉鐵路分局局長奉天警察廳偵緝員通化第四區區官第二屆省議員卒於任

邵連勝 字仲三精明強幹老成練達初爲巡防營管帶駐防縣城二十餘年置有田產因家焉平素治民保民頗有聲譽後任東北陸軍三十五團團長因年逾六十難任勞煩退職現居原籍

頤養

韓英 字芝珊縣城人也天質聰穎學問純正尤精數理化學畢業於北洋師範學堂歷充籌邊蒙文中學師範各校教席訓育主任等職察哈爾都統署科員奉天兵工廠會計科員因宣勞致疾卒

江存清 字鑑齋縣西河口村人也性慷慨而俠義處世公正待人誠懇辦理通化警政二十餘年勦捕賊匪能名久著嗣升金川



縣長精心籌劃促庶政之畢舉保地方之安寧政簡刑清口碑  
遠播鄉里榮之奈因積勞成疾病故金川差次惜哉



鄉賢志

孫作新 字子振通化教育先進也人極誠悃作事認真幼家貧公無力購書恒爲人傭書得所值則以購書弱冠設帳義塾循循善誘言行身化學者宗之有清末造百政更新公應地方人士之請曾任地方捐務處主任二年涓滴歸公絲毫不索任學務總董三年不辭勞怨成績頗優曾任團練處幫辦訓練團防保衛閭閻商民迄今稱之嗣因年老力衰又長高初兩等小學校校務者五年長女子小學校兼女子師範講習科者十有二年計前後宣勞教育界中者廿有餘載以積勞致疾歲乙丑（民國十四年）以疾卒於學校各界臨喪追悼多行弟子禮聞者以爲榮惟公一生艱苦毫無積蓄含殮之日苦無以爲葬幸經地方士紳邵公緯宸李公曉峯陳公銘三連合各團體蠲釀始得安葬昔人謂鄉先生沒而可祭於社者其先生之謂歟其先生之謂歟

徐炳南 字煥章人極正直曾充縣議事會議員教育會會長縣立第一高等小學校校長辦理頗有成績後乃家居專攻歧黃診脈立方有獨到之處婦孺科尤特別擅長遇有紛難之事亦喜爲人排解而自衛軍之役被迫贅從者甚衆戡定後尤多賴先生爲之剖白全活無算日滿各機關仰先生爲人坦白率真所言無不佳納商會戰會長寶山聘爲常務理事協和會通化辦



事處聘爲日語學院院長縣長蘇公委爲圖書館長因勞致疾卒於職

楊福堃 字子厚先世爲浙人流寓奉天遂家焉光緒初年君父於縣東昌街經商兼營糧米業積累甚富惟以幼年卽染失血症時愈時犯身體殊爲衰弱後於右肋間生疽臥床三年不能操持斯時君年十六尙就塾讀乃輟學代爲經理公卒之年君亦只十有八耳遺有兩妹兩弟婚嫁教育君獨力措施無不完善而君孝友之誼深孚衆望矣光緒末年留省垣研究自治之學益爲地方所推重民國初年創辦自治會君被選任城廂自治會議長知無不言行無不盡省議會成立君當選第一屆議員

仗義直言蜚聲會中彼時通化擴充警額籌備民團官民所需械彈均經君採購器質旣屬新銳而價值尤爲低廉迄今各界尙憶念不置惟君秉受肺病遺傳初未注意及經歷年辛勞遂一發不可醫治卒於小河沿醫院君才氣聰敏善悟作事幹練不索逝世時僅三十二歲未得發達論者莫不爲君惜

徐德春 字景芳四區快大茂子村人也賦性正直辦事真切初任信禾鄉議事會議長時凡遇有關社會公益事宜公必力爭直而後已故鄉鄰孚公德望是非曲直經公一言而決無異議者歷任收捐處董事縣農會正會長第四區區長在區長任內爲人排難解紛鄉農訟事減少後爲植樹勸導員家居務農勤儉



持身一鄉耆望全縣碩英公當之無愧矣



鄉紳志

田洪祥 字豐亭縣諸生以勤儉起家教育子姪不寬不嚴而子姪均整飭自勉當通化初闢時諸政待舉公蒙地方人民之請辦理鄉團清釐會務秩序井井人無間言晚年優游鄉里對父老則論家庭教育遇子弟則示以孝悌大節且喜爲人排難解紛對於地面事情急公好義年七十二無病而卒

楊文山 字雅亭縣城人也胸襟曠怡品學均優曾在縣署戶房充差但清白自行毫無遺行晚年家居專事生產故公在城內市房甚多長子福培次子福厚季子福元均有異材

邵芳齡 字緯宸縣西旺文川人也人極剛毅作事老練幼而孤公以授徒謀養事母至孝嗣經潘茂蓀知事下車伊始卽敦聘佐治公誼不容辭遂出而劬勩行政臂助潘公若左右手溯公自膺聘後卽與潘公謀設學校改良警甲清釐地方捐務裁汰鄉會積弊修理義倉平治道路犖犖大端規劃井然兼任地方公款主任聯任八次於地方事務多排難解紛息事寧人之舉協和會成立公任名譽處長顧問協和滿鮮民族間感情融洽多所供獻而對於歧黃尤特別擅長每日求診治病者應接不暇但無論親疏貧富一視同仁竭力調治多才多藝公眞通化之俊傑也

陳樹勳 字銘三賦性鯁鯁饒有膽識對於地方公益事務頗能認



眞辦理曾充恭梓鄉議事會副議長農會會長而於鄉民訴訟事件每多方調和不辭勞怨人亦以此敬重之

趙鴻恩 字錫三本邑城內人也持躬清正遇事和平惟對於子姪格外嚴重而子姪持躬均有先生風閫門之內亦異常雍睦遇有事故必開家庭會議衆表決後然後行之故潘茂蓀知通化事時有通化家庭教育以趙君錫三爲最之譽非虛語也君子永廉稅務傳習所畢業猶子永清永明均縣中學畢業一門慈孝內外藹然若先生者可以風矣曾充農會會長縣公署理財股股長三任圖書館館長整理進行館務得有今日實公之力也現仍任館長之職

李德新 字耀三縣西四區三合堡村人性行誠樸勤儉自持治家有法教授諸生亦熱心任事歷充高等小學校教員縣立第二小學校校長雖年近耳順猶精神矍鑠熱心服務足爲青年前車之師今春瘟疫流行先生遽歸道山

王國翰 字秉範通化縣議事會議長也持躬嚴正遇物率眞友愛兄弟天賦尤深鄉里有紛爭者經公解決均唯唯遵從退無後言故區長任滿之後鄉人爲送衆望攸歸匾額以頌其功德且能誘掖後進如留京學生袁常恩學膳等費皆君所慨施民國十六年膺省議員之選任滿後充東北軍熱河駐軍糧秣處主任近年退養享林泉之樂怡如也



張明珍 字聘之辦理學務能任勞怨通化初辦鄉學時君充勸學員風氣不開人民多不令子弟入校君苦口勸導強迫施行寬猛並濟鄉學得以發展君之力也

姜耀德 字魁武以行伍起家充靖邊營管帶駐紮縣城十餘年保護商民頗有功德年屆古稀精力猶健惟因家境窘迫衣食不濟抑鬱以終

吳丕璽 字玉軒通化二道江人也居心正直作事大方以農起家現已至小康矣但公自奉儉約非有賓客則食無肉非往來酬酢則不衣帛公會充縣農會會長區長總甲長等職近家居不聞世事但以耕讀兩般課子爲業有古人樂天知命之風焉

袁慶三 字祥九通化四區金斗火烙村人也賦性任俠見義勇爲生平慕魯仲連之爲人喜排難解紛遇貧困者輒傾囊相助且喜爲人擔負債務事以此受累致家業中落長子常恩畢業於北京中國大學法科政治系現任奉天遼源師範教員次子常恕亦畢業北京中國大學法科政治系留校練習三子常慰現充差哈爾濱特別市公署均能承父志衆謂袁氏有子信矣

曲綿祚 字錫三縣庠生也幼時讀書兀兀不倦及長曾任縣義塾教授啓迪有方學者宗之晚近家居以詩酒自樂但已置世事於不顧矣曾一膺鄉老之選

李鎮華 字曉峯通化教育界之山斗也爲人恢豁大度和藹可親



畢業於奉天兩級師範初級本科歷充高等及中學各學校教員縣教育會會長教育公所所長當公之長教育也通化風氣未開教育設施多有未善公乃不辭勞怨整理學田以裕學款建築鄉校以謀普及取締私塾以培真才嚴別優劣以資鼓勵計前後十有五年滿城桃李郁郁菁菁公之力也民國十五年夏任滿調省時縣長李公東垣以縣志總纂相敦聘公辭弗獲遂與同寅手造名山事業燕居喜爲文闡揚先達或書格言以獎寵後進對於地方公益亦多方贊助洵士林中不可多得之人也民國十七年任撫松縣清鄉調查員十九年任本縣村治調查員大同元年充奉天警備司令部參議現任孔學會通化分會會長清潔會會長縣立女子中學教員協和會通化辦事處處長九一八事變被農商教育三會公推代表任東邊保安會常駐委員對於各縣治安多所籌劃不遺餘力建設新國家頗有功勳云

徐德春 字景芳快大茂子村人也人極正直辦事真切曾充鄉議員農務會會長三區區長以地方憂樂爲憂樂同胞飽煖爲飽煖非僅正直已也退職後家居務農勤儉持身益孚衆望

宋竹筠 字雅臣寬栗鄉人也慷慨好義熱心公益曾充農會會長鄉議會議長前膺奉天鄉老會議時能陳時弊有一鳴驚人之

概



張寶森 字書橋人頗直率作事認真曾充巡官股員教養工廠廠長等職現任通化電話局局長

張明琨 字子珩二區人也精明強幹奉天兩級師範學校修業生因助理家兄操辦事務而輟學遂經理商業因而致富曾充二區區長捐助自己領名地爲學校校舍其熱心公益可見一斑矣嗣復任農會會長財務委員現家居務商經營煤業

于成章 字煥文江口村人也曾充參事員鄉會副議長警察所總務股員人既爽快辦事尤爲公正云

李政富 字潤廷東升村人也曾充鄉董副議長學董等職創辦學校不遺餘力若八里哨小荒溝鬧枝溝等處學校均經君手創

設而成者也

張慶濤 字海樓二道江人也人極誠實幼爲人傭書勤儉以致富因辦事公正被舉爲鄉董區長等職且曾充農會紳董也

于輔臣 字績廷惠柳鄉人也因爲人正直被舉爲鄉董收捐董事及助理員清賦委員農會評議員云

張九卿 字欽棟哈泥河人也度量寬宏辦事穩健對於家庭兄弟間怡怡如也曾充八區區長

曲宗亮 字允普精明和厚老成練達曾充艚船會會長商事公斷處長商會會長商界之中堅分子也現充通化縣公益工廠廠長



高成業 字建堂畢業於自治研究所社會教育講習會人極和平長於理財對於公益事務亦能認真辦理曾被舉爲艚船會長農會調查員艚船會聯保部部长各職現家居頤養

戰慶吉 字寶山熱心公益見義勇爲曾將自己領地捐作山東同鄉會善營地并捐修警察保甲各駐所之公地歷充艚船會長商會會長辦理會務甚爲認真現仍任商會會長

劉學海 字作舟忠厚純正農商爲業被舉爲惠柳鄉學董自治會議長辦理地方事務人稱正直云

蕭大光 字維煥邑武庠生歷充奉字營左軍騎兵哨長嗣升哨官通字營哨官勞績頗著退歸林下創辦女學爲我邑女學之首

先提倡者率其妻張鑑古女士爲本校教習甘盡義務經理十餘年大有成績因老辭職至今女學之擴充進展實由公之發起

南景林 字芝山祖籍順天大興縣父榮海於光緒初年移居縣城西北五里許之石棚子村初榮海公學成從軍隸陳鎮台麾下束身嚴正御下則恩威並濟故部下如感每戰則爭先惟恐負公大東溝平宋三好之役公功獨多洊升爲把總然勞役過度一二豎隨之因退隱而旋卒焉君雖幼孤而得天獨厚具遺傳剛正之氣秉賢母修齊之訓持身自好勤儉治家受知於潘公歷委充教養工廠廠長清鄉辦事員等職嗣創辦保甲委君爲委



員君經營擘劃規模大定地方治安系君一身而後日保甲之  
優美成績實有所基也適因母老退居承歡利祿不能動其心  
功名不能奪其志具古隱者風邑紳邵公緯宸趙公錫三爲闡  
揚禮教藉風末世連合全縣紳耆具呈縣公署轉請省公署准  
予褒揚以勵澆俗奉令頒發匾額一方而君益自砥礪久而彌  
進逮母歿後始與地方事務康德元年九月縣長蘇公與參事  
官森山公保薦爲縣公署內務局局長辦事一遵賢母爲民莫  
忘一正字爲官莫忘一忠字之訓而吾謂公正廉明實爲君之  
出處大節至其天性豪邁作事認真尤其餘事焉耳

賈紹周 字文清本縣七區達連川人也性慷慨好武事弱冠後投  
筆從戎服務警界提升騎兵巡官嗣退職務農喜排難解紛爲  
人息爭端被舉爲七區農會長多所建白大同元年當選縣農  
會會長聯絡滿鮮農民感情頗爲融洽康德元年任滿仍被選  
連任

韓純祥 字子玉縣城西關人也務農起家頗稱富有天性正直言  
語爽快爲地方所推重任縣農會副會長連任二次對於地方  
公益尤爲熱心贊助

种存恕 字子忠原籍河北深縣幼年來通學商壯而自營事業因  
天性和藹注重信用遂孚衆望推爲商界後起之秀康德元年  
春戰前會長寶山復任商會會長君任副會長擘畫經營均有



獨到之處而對於內外人士日滿各機關尤能協和共濟爲地  
方謀福利

楊振基 字繩武家業農世積資甚富而君則慨於實業之不振改  
農爲商設計經營均高人一等曾被舉爲商會副會長現任協  
和會通化辦事處副處長所營事業爲協和商店兼管雜貨及  
機器油碾佈置井井措施裕如爲本縣大企業之一



義勇志

張明璠 通化三區恭梓鄉人也父希寬當僞忠義軍之亂閭閻騷擾民不得安公倡辦團練殉於難明璠尙氣節有父風歲甲寅濛匪王登瀛等陷撫松擾臨境警團東出星夜赴援匪乘虛擾縣境明璠擊却之歲乙卯欒匪陷桓仁圖東竄與我警團戰不利折回輯安聚四百人之全力撲小羅圈溝彼馬我步馳救不及明璠力戰三小時卒以兵力單子藥罄歿於陣父子忠勇父老爭傳之

張丙南 縣城人也短小善戰歲甲寅濛匪王登瀛等攻陷撫松竄縣境爲故紳張明璠區官鄭福祥擊滅殆盡餘匪資衆復攻臨江丙南隨警務長江存清保衛團辦事員趙德喜馳救臨屬三岔子陸防各軍陸續東上幾二千人丙南等奉令防北甫馳抵匪亦踵至冒險痛擊馘匪三十餘人逐北五百餘里論功任保圍第一團團總歲乙卯欒匪陷桓仁擾輯安竄縣境張明璠陣亡丙南復隨趙德喜馳救匪已北渡江丙南攀深林涉危崖出賊前幾獲欒匪適丙南中彈亡得逸去德喜撫丙南屍哭之慟軍心益奮裹創再戰卒擊退之現丙南已從祀忠烈祠

劉永貴 恭梓鄉人也人極勇敢任保衛第二團團總調查戶口盤詰奸宄爲全境最民國五年六月殷德明等受匪首雙紅煽惑黨羽數十人擾我撓頭溝永貴率團丁斃匪五人因兵少力單



嗣中彈亡現已從祀忠烈祠

俞寶仁 直隸人僞忠義軍率衆破城城中兵單知事陳璋棄城遁入民間寶仁力守死於賊

張祥和 直隸人作事勇敢不畏強禦在通化時任典史嗣因監犯越獄親往彈壓中彈亡

房星吉 山東人霸匪高殿橋黨羽百十人屢擾柳河南竄縣境星吉帶警不滿十人手格霸匪中彈亡現從祀忠烈祠

何武魁 直隸滄縣人住縣屬信禾鄉快大茂子街以營商爲生有商人徐棠蔭儘所有購金砂赴省貿易中途失去惶急萬狀武魁拾得詢明還之

徐偉儒 字容九河北寧河縣人賦性爽烈而快直對人無城府不伎苛服務警界有年由巡官隊長薦升局長轉職陸軍爲參謀參謀長警務處長督察官等職康德元年九月蒞通任縣長鑒於地方凋敝人民無衣無食惻然心憂呈請政府籌劃救濟親赴各區講演王道痛斥紅軍爲所忌恨乘公赴京代表慰靈祭歸途之便邀截於柳河縣屬駝腰嶺公義怒干霄奮與接戰以十二名衛隊抵禦匪衆百五十餘名不支被俘慷慨就義公歿後政府與省公署均派大員蒞通爲公經營殯殮並於安東省城舉行盛大慰靈祭日滿各機關重要人物同致哀悼公宦遊南北一肩行李兩袖清風身後事蓄遽成問題政府爲籌善後



公之目庶可以瞑矣

張義祿 原籍山東民國初年來通就食勤於農工極爲鄉里所推  
重而性恂謹奉公守法尤爲地方所敬愛民國十三四年間國  
內各派送爭雄長因而散兵游勇聚而爲匪各縣警甲勦不勝  
勦遂組織礮兵隊增加戰鬪力君以嫻於礮術投效委爲礮目  
屢立奇功洵升分隊長教授礮術申明紀律考覈成績爲全縣  
之冠自衛軍興輯安大隊長某受僞職爲司令電委君爲團長  
君仗義不屈並勸戒所屬務盡警士天職保護地方安寧無如  
斯時警甲被匪人之壓迫誘惑已惶惶無主且桀驁者多欲乘  
機爲變不受約束一唱衆和害君而逸君未多讀書深明大義

實爲晚近警甲界之特出才也嗚呼烈矣



節烈志

王孫氏 邑人王金之妻也自二十一歲出聘至二十七歲其夫病故僅生一子年方五歲翁姑去世伯叔分居零丁孤苦毫無所倚氏乃兢兢業業不畏艱辛以教養其子至於成立現年已七十三矣當由地方士紳具情請予褒揚蒙大總統頒賜節勵松筠匾額一方遠近稱之

費王氏 縣屬恭梓鄉小羅圈溝住戶費俊德之妻也秉性嫻淑舉止莊重自二十三歲于歸至二十七而夫作古僅生一子甫四月家極寒微翁姑春秋已高家無恒產生計維艱賴氏柏舟自守井臼親操上事翁姑下撫弱息三十年如一日現子喜春業已成立能迪祖武則夫人訓導之力也

修秦氏 縣民修正先之妻現教育股股長修祿之母也氏自十七歲于歸修門孝事翁姑克盡婦職洎二十九歲而夫故時翁姑去世伯叔分居家無錙銖之積室乏斗石之儲而遺子長方六齡次在襁褓氏乃井臼親操薪水自任計三十餘年茹苦含辛而無異志二子均已成立不振家聲皆節婦有以啓之也已經地方士紳呈請褒揚蒙省長莫頒賜節操冰心匾額一方白綬銀質褒章一座婦女聞之均奉爲師表云

張高氏 張維栢之母爲海城義士高際五之女幼適襄平張殿元之子玉恩十七于歸伉儷甚篤四年而夫夭折上奉翁姑下撫



子女家貧親老百感勞心張母處之晏如也未幾二親相繼棄世家無他人煢煢孤苦親友中多有代爲戚戚者張母聞之曰蘇裙雖被世不變色以兒女見之熟也海枯石爛志莫予奪柏舟之操彌臻其固子名維栢即其母之所命以紀實也最拂意者家無立錐地外無應門人近友至親亦莫敢常相通問仰持母家以育兒女民國二年其父際五先生挈眷移通母子三人因求附載由此身居母家卽相依爲命矣瞬息十四年女嫁子亦成人乃獨立戶門置薄田數畝於崗山麓因以爲家焉張系之不斬爲張母之節孝有以致之耳予爲其父執立知其事之最詳欽挹之心最殷久欲表揚而維時尙早茲聞張母年已逾五旬例合請旌幸值縣志告成豈可再爲湮沒將來節孝門中當增一陪席者矣

胡田氏 名潔岩字奇峯縣紳田豐亭之女邑宦胡名臣之妻也幼嫻女誠性行淑均年二十一于歸胡氏上孝翁姑下和妯娌閭里稱之嗣翁姑相繼去世伯叔分居家遽中落氏夫胡名臣就食四方渺無音信氏乃入女學讀書晝夜不輟三年學成而氏夫以某有力之援引出宰直隸深澤縣知事氏聞知之前往時夫已納小星寵之椒房矣氏到官廨後遇之無禮氏知不能容隨夫宦遊一載返通以課徒營養翌年夫歿時氏年三十有四柏心自矢對於教育亦頗熱心閭里稱之現任幼稚園主任



張王氏 縣屬隆福村張仁德之母復縣王君貴之女也生有淑德年十七聘張士喜爲室次年生子仁德又逾二年而夫出外謀生一去渺漫永無音驛伯兄令氏改嫁並謂氏曰青春守節白首全真自古迄今能有幾人况人言紛紛均謂士喜已故吾家夙貧賤汝盍早爲計氏謂伯曰傳聞之言不可信也假令夫死氏卽改嫁將何以對張氏之祖宗耶伯噤不敢再言嗣設種種逼迫手段氏始終不渝計氏自二十一歲冰心自持迄至享壽八十四猶異常強健無疾而終所謂作善天降之庥其婦人之謂乎子仁德有孝行善承母志孫二曾孫二仍均循循守夫人之遺訓而家境亦小康矣

南羅氏 一區石棚村人邑紳羅福順之女天津鎮標把總南榮海之妻孝子南景林之母也性行淑善事親最孝素稱閨中賢女年十七于歸相夫度日并白親操持身勤儉待人寬和生母病急親侍湯藥晝夜不息因母素愛赤栢松木棺節婦卽貸資措購卒如母願孝行格天宜有家庭安寧之幸福乃其夫解甲歸田之後積勞成疾一病八年臥床呻吟痰液便溺穢不可聞節婦扶持未嘗廢離憂勞交集年方三十鬢髮皆白是年夫故遺孤僅十齡零丁孤苦門衰祚薄竟能殯葬合儀歿存皆費一人之心力而茹苦含辛劬勞亦倍至矣庚子變亂之年俄兵陷城肆行搔擾節婦率子各處避難蓬首垢面卒免強暴守節三十



年言行足式堪稱閩範宜沐褒揚民國十九年九月地方人士請准省府頒發閩壺懿範匾額及金色褒章証書等以表貞節其子景林亦舉孝准發匾額黃綬褒章以表孝行節孝出於一門洵足風焉

楊黃氏 名中文本縣第一屆省議員楊公子厚之妻也幼讀詩書嫻內則誦列女傳每至節孝處則眉飛色舞竊慕懿風笈年于歸上孝翁姑下和妯娌兄弟姑叔之間雍雍如也民國元年子厚被選爲省議員氏居家代行子職寡姑怡悅教育兩女學費無缺夫膺肺疾入施醫院氏聞息倉惶赴省日夜服事衣不解帶者二月有餘藥石無靈撒手歸空氏哀痛過甚幾致病倒比

以老姑在堂事奉有待節哀忍痛扶襯而回撐持內外料量薪水迄今近三十年儼如一日節婦之操持實有異常人也長女鐵珊畢業於師範學校執小學教鞭博薪水供家用節婦之難始得稍舒不幸罹時疾爲庸醫所悞致不救惜哉次女鐵瑛性剛毅而敏慧有丈夫氣於姊死後亦畢業於師範學校砥礪廉隅發奮自強服務各校繼姊志孝養寡母節婦之得此報宜也亦天之有以報節婦之困瘁也

張魏氏 邑人魏鑫之姊張天德之妻也幼失怙恃受育於伯氏于歸後夫家奇貧有時不能舉火其翁某出家爲道士拘於十方供養不敢私費之義對於家計毫無補助年二十四夫故生計



愈窘氏以鍼術博微金飢寒苦度及子女稍長無力入學經伯父魏鈞詔接養於家氏嚴課子女勉其勤讀以慰外祖劬勞之情子廷書女桂珍等能承母志或畢業於中學或畢業於師範服務縣立各小學校爲教育同人所契重節婦半生辛苦於今欣慰矣

楊王氏 縣城楊永春之妻也夫青年病故氏頓失所天慟不欲生遂七日不食卒以身殉地方團體嘉其節烈請旌表之

張李氏 名鳳雲曾受教育於縣立女學校李永林之女孫李廣順之女柳河士人張書麟之妻年十九于歸伉儷甚篤夫勤讀得勞瘵氏侍湯藥忘食廢寢閱二年夫故慟不欲生擬卽從殉親

族雖力勸矢志終不移每至墓哭幾絕者屢矣僅距夫死七十一日竟服毒盡節於夫之墓前嗚呼烈女可爲世風鄰里欽佩正擬稟請旌表爲增修縣志急不及待故先志之

宮韓氏 本城西壩門外韓純斌之女年十九出聘於本邑官錫澤爲妻相夫事親克盡婦道生一子尙幼其夫在北平中國大學畢業歸至安東病故氏聞噩耗昏暈數次每因夫死未能親視含殮以爲大憾立志從殉家人勸之弗解遂於大同二年十月間服毒自盡其節烈幽光足以風世而振俗特先志之以備請表入祠之考據



孝友志

趙椿芳 城內人也母年古稀既耄且病晨夕孝養湯藥親嘗母歿哀毀骨立年逾六十年節奉祀尙復號泣如失恃初

南景林 字芝山縣城南關人也幼孤事母至孝凡出必告返必面晨省昏定夏淨冬溫自少至老履行無間家事無鉅細尤必質諸母而後行之君性嗜酒母恐其酒多過量至於敗德曾誡之曰酒不可飲也君恪遵母命雖宴會酬酢亦不飲酒母歿後君將所承訓語錄爲專章作修齊之訓邑紳邵公緯宸趙公錫三諸先輩具呈縣署轉請褒揚蒙省長賜純孝可風四字匾額一方現舉家慈孝人皆稱之

劉永清 縣西四區快大帽子人也母王氏年古稀臥病在牀君焚香默祝曰倘令母氏痊愈矢終身不如量翌日母病愈君卽戒暈酒並修淨業爲母作來世功果自衛軍興母年已逾九十慨生靈之塗炭日夜祈禱爲民請命無疾而逝終母之世君敬謹侍奉始終不懈今君亦已花甲重周精神矍鑠未始非孝之報也

沈國卿 縣屬五區龍頭人也性至孝母病親視湯藥衣不解帶及事繼母亦如生母繼母臥病三年君菽水承歡揣繼母之喜愠以爲欣戚母歿君慟哭失聲年節俸祀惟謹故鄉老稱之

王玉 字蘊山城廂人也幼失怙恃兄弟四人次三兩弟均已成



孝友志

趙椿芳 城內人也母年古稀既耄且病晨夕孝養湯藥親嘗母歿哀毀骨立年逾六十年節奉祀尙復號泣如失恃初

南景林 字芝山縣城南關人也幼孤事母至孝凡出必告返必面晨省昏定夏淨冬溫自少至老履行無間家事無鉅細尤必質諸母而後行之君性嗜酒母恐其酒多過量至於敗德曾誡之曰酒不可飲也君恪遵母命雖宴會酬酢亦不飲酒母歿後君將所承訓語錄爲專章作修齊之訓邑紳邵公緯宸趙公錫三諸先輩具呈縣署轉請褒揚蒙省長賜純孝可風四字匾額一方現舉家慈孝人皆稱之

劉永清 縣西四區快大帽子人也母王氏年古稀臥病在牀君焚香默祝曰倘令母氏痊愈矢終身不茹葷翌日母病愈君卽戒葷酒並修淨業爲母作來世功果自衛軍興母年已逾九十慨生靈之塗炭日夜祈禱爲民請命無疾而逝終母之世君敬謹侍奉始終不懈今君亦已花甲重周精神矍鑠未始非孝之報也

沈國卿 縣屬五區龍頭人也性至孝母病親視湯藥衣不解帶及事繼母亦如生母繼母臥病三年君菽水承歡揣繼母之喜愠以爲欣戚母歿君慟哭失聲年節俸祀惟謹故鄉老稱之

王玉 字蘊山城廂人也幼失怙恃兄弟四人次三兩弟均已成



立分產予之使各營生息幼弟琳尙在襁褓中撫之成人爲之授室將自置財產析半授之並以所餘之半再三分之次三兩弟仍得其一數年之後復將財產分子三弟各若干以增厚三弟生業雖不同居而數十年友愛之情始終如一

羅福順福堂 城廂人也父母早世携弟福堂自原籍東魯來居縣城南門外教以工藝俾得成人典史王毓仁贈以匾額曰友于可風鄉里榮之先是福堂失怙賴嫂氏乳哺得以長成每見鄰兒呼母卽母呼嫂嫂則諭以非是弗顧也及稍長得其情事嫂如母其嫂之賢可知也嫂有女適南氏賢孝式鄉里卽孝子南景林之母也後嫂故福堂執孝子禮服喪三年兄友弟恭姒賢娣淑萃於一門足以格俗矣

魏鈞詔 字國賢世居本溪縣之城廠爲一鄉首戶兄弟六人或務農或營鐵工各執其業家以日富後營木業被火致破產遂析居君率妻孥來通卜居頭道江之東濱仍營鐵工和睦鄰里扶助親友魏家爐之名佈於全通無人弗知君五弟夫婦早卒遺子鑫甫數齡君爲扶育稍長延專師課讀命習舉業及停科舉資送奉天甲種農業學校攻林科畢業後充各校講師旋轉職佐軍幕充軍需官秘書處長等職每念及伯父養育之恩則垂涕不止一女適張氏家奇貧而夫又早逝君亦由原籍接來同居並送其子女入校讀書均有成就卽現供職於小學爲教員



之張廷書張桂珍兄妹是也君之篤於手足之誼誠堪名垂千古爲末世典範也用光本志



公益志

戰慶吉 字寶山現任通化商會會長也以商致富樂善好施民國初通化客籍商旅多死無營葬地公會施捨義地六畝爲客籍人掩葬之所又因君祖籍山東而山東人之來通多無團體機關以聯絡感情公遂組織山東同鄉會於南關壩壕外繼又創設慈善會組織慈善小學校歲丁卯春山東全境罹於兵災多流離東來嗷嗷待哺公惻然傷之乃商諸縣長李公東垣及士紳等組織難民旅館每日施捨粥飯遇疾病者爲之請醫調治故人皆稱之

楊璽海 縣城東十字街人也世業農以資雄性好施予當仁不讓當通化創立救貧所時公助洋一百元縣南大廟溝向無校址公施捨校地六畝農會向無的款公將上喇姑河自己良田施捨六天與農會西大街爲往來要道修理時公施洋二百元修東大橋時又施洋一百元十六年春救濟難民會成立公又慨施大洋五百元監督李公東垣嘉其慈善特贈匾額一方遠近均呼之爲楊善人云

蕭沛霖 縣城北關人曾慨施北山警察分駐所一處計地共二畝蒙前任監督袁頌賜匾額一方曰急公好義云



方伎志

朱培善 字寶亭原籍鳳凰城君弱冠移居通城天資英敏精於楷書行書晚年書法迺游筆如龍以作字爲樂事凡有求者雖山林野老公亦必敬謹應之而無懈弛之態是以遠近宗之

李增瑞 字子祥古晉楊人也幼慕班定遠張騫之爲人父命之入學讀書君應日書本斷爛之朝報不足學劍乃萬人敵竊願學焉遂棄書學劍三年精於劍術且長於形意拳弱冠後因家貧無以爲養乃孤身來奉經同鄉某介紹入某銀號學商賈三年辭賑來桓仁通化兩縣擬謀生產以所謀不協貨殖窶空值民國六七年教育廳有添設武術之令君遂膺通化縣中學校縣立第一小學校警察教練所武術之選任事以來誠以教授課餘之暇力謀漢碑近來書法卓然自成一家若李君者可謂困而能學矣

吳金鐸 字木軒興京旺清門人也幼時崇拜基督稍長入興京教會讀書後考入奉天醫科大學畢業後在通組織通化醫院醫理精深診療得法開設以來活人無算且爲貧者施治恒不取分文春秋兩季施種牛痘兩次對於地方公益事宜每竭力提倡洵醫界中不可多得之人也

李樹南 字明湖縣諸生也人極瀟灑工於書法圓潤純熟頗近李海峯惟神力不及近來城內各石印局名刺匾額多出其手將



來好自爲之其書法之進境不可量也

程慶雲 字東閣體格魁偉幼好任俠嗣從師習武術刀槍嫻熟身手敏活其行也有龍行虎步之勢其立也有官止神行之容故城內人士皆以武術大家呼之慕秋兩知縣令均委以衛隊長之差嗣因破獲巨匪有功擢升一二區區官歷任十年清風兩袖人民自今稱之

徐炳南 字煥章通化西都嶺人也曾長縣立第一小學校校務十餘年成積頗著公晚歲精於歧黃婦孺科尤特別擅長故通化人士經公起死回生者不可勝數（餘詳鄉賢欄）

洪錫恩 字向宸通化東二道江人也君性謹慎喜勤儉幼業醫及長設寶源堂於城內內科熟練用藥小心謹慎而獲效頗速居心淡泊不慕榮利不憂貧賤亦通化城內奇人也

勾永仙 別號樂天道人幼時聰穎奇嶷及長逃於禪堂不顧塵世山林獨坐冥然於繪事其所繪山水蘭菊有名於時惜不自愛重且無有力者爲之表揚故湮沒不彰現已不知所終矣

胡名山 字筱川縣城人也幼極聰穎所讀之書過目卽了嗣留心繪事其筆法短小精悍情景逼真其佳作爲三秋圖及各種動物栩栩欲活惜晚年家境式微生計咄人君遂束之高閣而無心於繪事矣有子名寶德亦工小楷古人謂明德之後必有達人其公之謂歟



孫智達 字伯慧奉天高中畢業生歷充我邑縣立第一高小教員  
又充縣師中教員擅圖畫算術及寫真能極肖



流寓志

李塞翁 原名文藻字曉雲別號陸沉子一字笑雲清光緒二十六年經欽命東邊礦物總辦阮毓昌保荐辦理通柵臨柳輯五縣礦物值忠義軍肇亂奪其良馬因改名塞翁祖籍浙江自君父移居吉林君少時倜儻聰穎異常人所讀之書過目成誦惟詩文別有性靈不規於章句作此不利場屋後遂投筆參贊戎幕多年自辦理東邊礦務遂從而家焉民國改元君關懷故國卽蓄髮爲道人裝性嗜酒喜交遊晚年宦囊羞澀家徒壁立偶值賓客滿座則令老妻脫簪珥治酒漿盤壘間未嘗有儉色以此人益欽之晚年好學喜參禪書並有看花癖茅舍三間花木滿院有五柳先生洒然風趣甚忘年友瀋陽孟伯蓀曾贈以詩云三徑猶存新事業一生未改舊風流讀此詩可以知公之天真矣公晚近著有蛛隱廬詩文集各一卷說疫摘要四卷晚無子亦無期功強近之親但樂天知命學以忘憂現年八十有二猶精神矍鑠手足強健洵可謂亂世之隱士也

徐潤章 字冠堂山東海陽人也幼家貧性嗜學恒兀兀不息長游四方歷觀名山大川詩文因之雄壯宣統元年至盤山曾任高等小學校校長遂與前熱河都統闕公子珍有神契民國三四年任奉天省立第一第四中學國文教員民國七年任通化縣師範講習科縣立中學校國文教員公教授諸生言行身化循



循善誘通化學子凡經公口講指畫者爲文章悉有法度可觀  
現在縣西都嶺置有良田百畝有勸公出而謀事者公曰我有  
薄田足以供饘粥茅屋可以避風雨著書立說我之志也舍此  
自然之樂而謀意外之榮非我之志也民國十四年秋中學校  
宮校長以國文教職乏人曾聘公教授師範級國文客秋縣志  
編查館成立李公曉峯又聘公編纂縣志現公退然一老隱於  
山林山色水光詩懷酒興有瀟洒出塵之概洵晚近不可多得  
之人也

孟昭明 字子融山東莒人也爲人恢豁大度公直廉愷幼因家貧  
未得深造弱冠後負笈來奉天設教於撫順驛馬站興京通化

等處講解明晰教管合法故授業於公之門而以文章顯者頗  
不乏人公晚年教子耕田課孫讀書屈指十年家境小康其長  
於經濟有非腐儒所可比擬矣現寓縣東二道江對於地面公  
益等事竭力圖之而子孝孫賢一門和睦洵不愧東魯家風也

呂繹斯 字巽亭山東蓬萊人也精於金石專工篆書且喜繪博古  
詩文亦清淡自民國二年君來通設塾於三道江四道江等處  
人極古樸有純儒風邇來年近知命尤自強不息每日日出看書  
摩帖外別無他好飲食亦簡約非有客至不具酒肉惟架上喜  
購奇書每日往來酬酢均有日記如先生者可風也

別金相 字士如山東海陽人也精於輿地性喜吟咏箸有木石居



士集一卷公自民國三年來通任第三高等小學校教職現以生齒日繁遂從而家焉公性古鯁與人落落寡歡但遇吟咏之士或道德中人則必折節下之必令人人各如其意而後已公現任城內第一小學校教職鱣堂作困文字無靈吾不禁爲公不遇悲矣

陳廷森 字幼山浙江紹興人也幼學申韓長從軍旅曾充某營管帶官因關心實業遂棄功名如敝屣乃來通化鐵廠子地方創設復泰公司開採煤礦獲利無算君身體魁偉性情慷慨而瀟灑遇有貧困之人尤能救濟之而無德色現已年至古稀而精神猶壯健也

陳克揚 字繩武遼陽人也作事果敢有爲交友重信義然不主濫交因先人在通置有荒地故流寓於此從事開墾焉初任鄉學教員繼升城立二校校長復注重實業開設惠通工廠兼業農商終老林泉云



自治志

於清宣統二年奉天全省自治籌備處通飭各縣創設城鎮鄉地方自治會令於六月十五日一體成立我邑劃分全境為六區曰城廂曰恭梓鄉曰寬栗鄉曰信禾鄉曰敏樹鄉曰惠柳鄉城廂議事會選舉議員二十名董事會選舉總董一名董事一名名譽董事四名其五鄉議事會每鄉選舉議員名額列後鄉董佐各一名均於是年六月組織完全同時成立創辦之初已有基礎人民智識逐漸開通議董各會員皆能認真作事於地方應興應革極力進行大有文明進化之勢民國三年忽然奉令停止雖云曇花一現而議決與執行各案皆與人民造福不尠他年自治復活應以此次為先河往事可志

作自治表

會 別員 名姓 名員 額備

考

縣議事會議 長王國翰

副議長李玉珍

議員 一〇人

縣參事會參事員王松山

邵芳齡

趙 慶

于成章 于辭職王裕國以備補參事員遞選

王裕國



城廂議事會議 長邵芳齡

邵芳齡選縣參事員楊福堃以副議長選議長

楊福堃

楊福堃選省議員楊春以副議長選議長

楊春

副議長楊福堃

楊福堃選議長以議員楊春選為副議長

楊春

楊春選議長楊雅亭以議員選副議長

楊雅亭

議員

一八

城廂董事會總董王 玉

王玉辭職以白景元選總董

白景元

董事羅福堂

名譽董事邱瑞亭

邢子衡

毛肇濱

周齡

恭梓鄉自治會議長張慶餘

張慶餘辭職以陳樹勛選議長

陳樹勛

副議長張明珍

張明珍辭職以趙玉田選充

趙玉田

趙玉田期滿改選張福星

張福星

議員

一六



鄉 董李時雲

鄉 佐駱殿有

駱殿有任滿改選張慶濤

張慶濤

寬栗鄉自治會議長宋竹筠

副議長于成章

議員

八

鄉 董王吉興

鄉 佐林長清

林長清任滿改選潘文緒

潘文緒

信禾鄉自治會議長徐德春

副議長姜鳳周

議員

一〇

鄉 董蕭廣源

鄉 佐趙錫福

趙錫福任滿改選袁明山

袁明山

敏樹鄉自治會議長楊式平

副議長于富治

議員

八

鄉 董裴萬林

鄉 佐劉紹堂



惠柳鄉自治會議長王樹風

王樹風任滿改選劉學海

劉學海

副議長王連貴

王連貴病故遞選李政富

李政富

議員

一〇

議董王明珠

鄉佐于輔臣

于輔臣任滿改選張義芳

張義芳

省議會議員

楊福堃

第一屆

王蘭香

第二屆

李鳳陽

第四屆

仇振名

全

王國翰

第五屆



戶口志

人民爲國家要素生聚尤治國要圖吾國人數爲三千萬土地開拓人民卽隨其開拓而麇集通化設治雖未久客籍之遷入人家之添丁於今較昔實有三十年加倍之勢周禮地官掌民策各邑書民數於版獻於大司徒人數之重自古爲昭孔子所以有負版之式在民國時全境劃八區區長調察精詳無略漢人最多旗籍融於內韓僑回教爲最少數僧道傳教士尤少總計二十三萬餘向後生殖之繁當能日增月盛人滿之患不卜可知矣乃自事變後受刀匪之蹂躪胡匪之騷擾民宅爲其焚燬者蓋什之八九田不得耕身無所寄人民大困其轉死溝壑者有之流徙異鄉者亦有之故近來調查祇有十八萬八千餘丁口與事變前相較相差懸殊今者當局對於胡匪勦撫兼施將來地方安寧人民來歸或能符夫預想也僅就現狀以志戶口







# 通化縣全境韓僑戶口調查表

康德二年一月分調

區別	戶數	人口		總計	職業
		男	女		
一區	三四〇	一〇一〇	八九一	一九〇一	農商
二區	七	二一	一四	三五	全
三區	五八	二〇二	一一七	三一九	全
四區	四三五	一五四三	一二六四	二八〇七	全
五區	五七二	一七三六	一〇八七	二八二三	全
六區	六九	一九一	一六二	三五三	全
七區	四二	一二三	一〇五	二二八	全

通化縣志

卷二 戶口志

五六

說明	八區		合計	
	戶數	人口	戶數	人口
按全境韓僑業者十居七八業者十居二三農民多種稻商民多以理髮造紙刻字爲事業	三二	八七	一五五五	四九一三
	一七四	八七	八六四〇	三七二七
	全			



兵事志

通化地處邊徼東望老嶺西跨康刪南俯佟江北倚龍崗山河環繞地勢險仄此固歷代用兵東陲必爭之地也秦漢以前文獻無徵始弗深考曹魏之際母邱儉討高麗絕沃沮千里至肅慎南界是爲縣境用兵之始厥後隋開皇大業間則有遼東王入寇宇文述會師之役唐貞觀總章間則有太宗親征高麗薛仁貴進兵鴨江之舉宋眞宗大中祥符七年則有契丹蕭迪里攻伐高麗之事明萬歷四十四年則有清兵破滅烏拉輝發之戰千餘年來東事之煩蓋無代無之也清季拳匪禍作僞忠義軍佔據縣城知縣陳璋導俄兵至引虎入室禍變益劇甲辰之歲日俄失和俄之梟帥馬得力率衆蹂躪東邊

縣城屢瀕於危東鄰日本異軍特起連戰挫之轉危爲安一時滿洲義軍頗與効命迄猶引以爲榮焉嗚呼十年以還時局不靖臨桓之刀匪劇盜時思窺伺哀我人斯不啻砧上肉釜中魚茲雖時過境遷每一念及猶爲寒心當局諸公尙其慎防之哉謹記曹魏迄今所歷兵革使後之人有所考焉

魏 母邱儉討高麗絕沃沮千餘里至肅慎南界（沃沮卽今之窩

集又名哈湯）母邱進師之道史弗詳魏默深註沿渾江卽修佳江沮

水卽鴨綠江舊在縣境今歸臨江輯安二縣以進蓋是時朱蒙之裔方振勢沮水南岸母邱追

勦敗軍至此是爲中國用兵鴨渾兩江見有史乘之始

隋 開皇十八年遼東王師靺鞨萬餘人靺鞨古肅慎地舊在縣境今劃歸輯安縣境矣寇遼西尋謝



罪罷大業八年煬帝遣宇文述等九人會於鴨綠江西七戰皆捷高麗遣使詐降述軍士還至鴨綠江潰九年煬帝自擊破之高麗降

唐 貞觀十七年新羅以百濟與高麗連兵謀絕其入朝之路來乞兵十八年詔親征以李世勣爲遼東大總管率步騎出遼東二十一年太宗以牛進達李世勣爲遼東大總管率步騎伐高麗二十八年薛萬徹斬其渠帥還龍翔元年高宗使任雅相等伐高麗泉蓋蘇文遣其子率精兵數萬守鴨綠江湖兵契苾何力至適冰合引衆涉水銳進高麗大潰總章元年李世勣拔新城行軍管記有不知守鴨綠江之檄高麗悟移兵據之唐兵不得

渡左武衛將軍薛仁貴與高麗戰大破之諸軍合進鴨綠柵高麗平因分設九都督府置安東都護於平壤命仁貴檢校安東都護總兵二萬鎮撫之當魏隋之時毋邱雖渡溟水煬帝雖降高麗並未派員率兵永遠駐守至是鴨渾兩江以西各縣始完全歸中國轄

宋 眞宗大中祥符七年契丹以鴨綠江逼近高麗高麗築六城契丹遣蕭迪里討之敗還高麗遣使朝宋趙宋以前中國多事東道阻塞垂百餘年至是鴨綠江以西復通

明 正統以前專事東防故成梁姚大節楊鎬等築六堡破三柵用全力於遼陽寬甸間縣境晏然無兵事垂二百載萬曆時清顯



祖以地內附邊吏貪功執殺之撫鎮匿不上聞清太祖日與弟兄秣馬厲兵爲復仇計三十四年貢後遂以勒索軍糧爲名屢進兵於開原境並東北進師力謀擴充疆域是時葉赫烏拉猶強欲攻取野人衛不得不沿渾江上游由東北進師縣境遂爲用武之地萬曆四十四年明四路援師敗於撫順清太祖克鐵嶺開原兩衛葉赫之後援已絕未幾卽亡扈倫四部蒙古三部長白山二部合兵三萬侵清太祖遂擊破之斬四首千級獲馬三萬匹擒烏拉貝勒之弟布占泰軍威大振乘勝逐北輝發烏拉哈達先後殲滅葉赫等部未亡之前縣境歲有兵事業赫等部旣亡之後縣境無兵事之可言

清 順治定都燕京劃旺清門以外東至長白山爲禁地設台兵巡守不准樵採游牧咸豐年間撤台弛禁游民漸集同治十二年大廟溝卅丁互爭利權爲居民害名曰金匪崇將軍實檄左提督寶貴平之設局丈地並設治焉光緒庚子夏五月拳匪禍作積匪劉彈子擁衆數萬僞稱忠義軍到處擄掠知縣陳璋編制通字營會同鄉團禦之六道溝戰不利鄉團猶圖再戰陳先已棄城遁通字營潰鄉團各歸本鄉自保縣城遂陷於賊會省垣與俄議和無暇東顧爲賊巢窟一年有餘俞典史寶仁恥陳之遁督率鄉團力守孤城冀圖恢復適米知縣穉赴任屢犯險卒無功越一年陳璋導俄兵至賊未能淨滅俞轉被迫行至馬鹿



溝死之縣境復沒於賊是年五月俄合兵團擊破僞忠義軍劉彈子遁吉林延吉崗其徒張桂林林七降於俄歲甲辰日俄之戰俄既敗於日復大至攻入城迫秋知事桐孚北行至柳河縣屬釋回日將花田松蔭率隊踵至立糧台設電線以縣境爲前敵支路八月俄軍來自八道江欲攻縣城日軍一戰挫之轉危爲安越日俄北退日亦撤糧台去電線振旅西行

民國十六年冬有魯人張樹聲者糾聚黨徒秘謀不軌初盤踞於臨江之紅土崖繼蔓延於通化之羅圈溝始被警甲利用勦匪嗣因爭奪權利遽行衝突假邪術以惑人妄稱槍刀不入於十二月十二日匪首張樹聲匡香圃陶成祥等命黨羽盧鴻富率匪千餘人前來攻城其勢汹涌全城惶恐警甲所長江存清督率警甲堵擊於玉皇山始一交鋒警甲奔潰匪勢愈熾焚燒殺掠直逼城下危在旦夕嗣黑龍江補充第二團長富友之率隊來援圍乃解未幾黑龍江督軍吳俊升率兵大至分路痛勦始戡定之

大同元年春三月駐桓團長唐聚五假救國愛民爲名號稱自衛軍窺伺通境富厚來城盤踞歷數月之久橫征暴斂恣意搜刮商民日處淫威之下皆敢怒而不敢言至十月初旬日本高波旅團長偕同廖司令官督隊南來大張撻伐不旬日而廓清矣



禮俗志

周禮山國澤國因其地管子丘陵泉源殊其性禮王制凡居民材廣谷大川異制民生其間者異俗剛柔輕重遲速異齊是知一山一水一鄉一邑自有其風俗也風俗因乎地利故語云百里不同風千里不同俗通巖邑也其東陞之山國乎山林甫啓之時物饒土沃內省流寓携家而來者齊魯之民最多其次幽燕其次晉豫而土著居其少數五方雜處言語不同嗜欲不達衣服飲食沿習故鄉複雜亦已甚矣且其人有漢滿耶回之種族其禮有冠昏喪祭之習慣家襲祖風人安故俗各從類別不可易其宜也當其絡繹而來鳩處山間就地板屋家不成村播穀墾荒一洩榛莽積土之膏腴時則伐木雲屯

納未露積渾渾乎雄富風也獨惜其衣食於目前只圖得地而不知樹木久遠之計耳自林盡火畊而山窮矣白水蕩沙壓而土瘠矣昔之開山以瞻身家買地以長子孫而視爲膏壤者今則懼爲石田或又轉而之他邦矣其始也人鮮知書農多而商少男勤耕穫女務爨炊家有客民鄉無匪警雖氣習强悍則北風也務稼穡重詩書士民醇樸觀風問俗共曰爲新陸海爲小桃源近年來而風俗又一變矣山國之交通不便也商賈因之賤貨而來滿載而去以故人趨逐未日尙奢華物質之文明未進而生活之程度已高耕者終歲勤勞之所入只足供國家地方之度支也以故農思遷地士樂充兵莫計備荒鮮思儲蓄時勢遷流則佟江上游水土淺薄民氣輕浮地利然也



此亦鼎變而後新舊過渡所必經之階級也然吾聞風俗與化移易政教實風俗之樞機也凋敝如漢初未幾而治稱文景據亂如隋末未幾而史美貞觀此猶天下計也至於一隅蕞爾蜀人僊而愚文翁何以成雅化渤海飢而盜龔遂何以興歌謠則知移風易俗政教一轉移間耳而况吾通化林業礦產美利猶如此其富也閭塾黨庠學校猶如此其盛也警甲鎮撫盜賊潛銷食德服疇猶是邊地樂土也今民生雖困習尚縱非昔比較之蜀與渤海猶大相徑庭主持政教果能因勢利導與地方團體相勗自治安見不仁風美俗而爲模範縣哉謹志風俗畧陳如左

（附言） 民心之所尚曰俗風而行之積久成習視爲情事之常

是曰風俗凡養生送死婚姻喪祭乃人生之大事而酬酢往來饋贈宴饗亦人情之正趨未可偏廢故特條晰而祥列焉然其間美惡之不齊向背之懸殊甚有關於政令教化故必道之以德齊之以禮以納於軌物之中也斯志原爲風俗志猥以化俗於淳樸完美之域則必制之以禮故更爲禮俗志又文教部所頒行之通禮爲齊一風俗之工具故特附諸志後以爲參正奉行之資云乙亥仲夏畊堯孫際虞附記

一 一般生活狀況

農功 天寒地凍春融較遲東作之期多在穀雨後每歲冬季出廩



肥成堆令其內燒以除去熱性及蟲菌春初翻動攪和載送田內以犁鬆土灑以肥料春雨後三四日一律播種播後薙草三次旱澇任諸天運不知用人力以爲補救種以豆爲大宗次玉蜀黍次粟次黍次稻次麥數歲間必易種否則所獲不豐春耕遲似妨農事然夏日滋長極速秋季收穫並不後時若霜不早降卽闔境慶有年蓋地氣爲天寒所壓抑鬱久則發洩速理固然也新穀旣收堆積隙地天寒地凍始入場俗謂打凍場除食用外冬以車載售諸山城鎮春夏則以舫運銷於安東

農家無不飼豬備平時變價歲臘自食牛羊鷄鴨亦多飼養其牧豬者曰豬官牧牛者曰牛官趕羊者曰羊官

農功簡約人能種田三十畝尙有人少地多之病農家每僱客工以事耕作僱全年者辛工銀七八十元農忙時則僱散工日需銀六七角至一元近來辛工之數較前大落蓋金融奇緊不得不勤奮自作以事節約也

商務 商多燕魯人故舖規亦沿其習學徒初至先奉侍執事人暇習商業及書算終日正立三年後始有坐股實商家多用外櫃歲居奉垣及大商埠購辦貨物運回銷售以交通不便每年封地後將全年銷售貨量盡數購運齊全不足則臨時添辦昔時率多擁陳門外以廣招徠比年來風氣大開宏廈大樓櫛比街



市惟事變後因道途不靖運輸困難以及金融奇緊之關係肆市頗爲蕭條不如前數年之興盛矣

商務會設於北東順城街其內部組織按現行規程辦理會議有定期每遇特別要事則臨時招集之

飲食 上農之家五穀悉備間數日易一飯最足加餐中農以下食其所有而以玉蜀黍爲大宗經商者常食蜀黍伐木者常食小米粳稻麥粉非有事鮮食者

旅舍供客米麪居多雖有上中下三等之分然其區別在菜蔬不在飯米

居民性多嗜酒飲輒醉以能禦寒故稱曰水棉襖

居常不食肉豆茄瓜菜皆可佐殮然食多每使勝食氣於衛生之道殊有未合

渴飲冷水泉雖極寒不知改夏日畏熱飯既熟激以涼水則又合飲食爲一事矣

遇年節必宰猪前數日裹水角凍使堅盛以筐食則以沸水煮熟之食肉必盡量留猪首備舊曆二月初二日之用多飼鷄客至卽割頗有殺鷄爲黍之風

服飾 俗尙樸素雖紳富亦多服布衣鄉民足穿靴鞦爲山溝環繞便於行走故也婦女出門鮮有飾金珠衣絲綢敷脂粉者

屋宇 鄉村房屋有架木塗泥以爲牆壁亦有堆石塗泥或槩泥者



四週或圍以木板或樹以柳條門高且寬便大車出入間量深濶院落空敞屋頂多蓋苫草屋內對修土坑屋多三楹或五楹率不間隔父子兄弟姑媳主僕雖多至十餘人已敷居住富戶大家則分內外縣城較鄉爲勝近頃官家限制草房以免火患故瓦房亦漸增加矣

載運

爬犁

天雪地凍用爬犁駕以牛馬形狀如橇大同小異分

二種甲種以堅固樹枝二根火慰稍曲每距離一二尺排立小柱橫以拳木加以松板可載客三四人載貨數百觔若得良馬日可行二三百里乙種與甲種略不同但不載貨客專用運木植故無橫木小柱松板將長八九尺徑一二尺之木或三四根

或四五根均貫以鐵釘鎖以鐵練擊諸爬犁後循山崗下運有與木廠訂立合同全數包運或按日計算者包運之戶若有少運照安東木價賠償按日計算每一爬犁約騾馬三四匹卽作三四工趕騾馬者亦作一工每日工資四五角隨時論定

騾馬馱子 夏時多雨道路泥濘溝洫水漲大車重載殊不易行因一律用馱子將貨物捆載馱鞍上行山道涉溝洫無所阻隔冬則地封江凍一望平坦則又舍馱子而用車輛或爬犁矣  
艚船 春融水深江可通舟煤炭豆糧均在此時運載入船下  
駛安東俗呼艚子

燃料

邑產石炭用者尙少關於薪材率取給於林木雖長丈餘徑



一二尺之木植不惜鋸為小段劈為薄板車運入城到處求售  
近年木植漸少價值漸昂燃燒石炭者亦日漸增多

集市 每逢舊曆三六九日農人必將田間所出捆載入城陳設市

中銷售俗呼趕集三日在東壩壕內六日在東門外大街九日  
在南門外大街糧食如高糧包米等銷售未盡則減價售於燒

### 鍋

文學 民不知書子弟七八歲時父兄使之飼豕牧牛可略增歲入  
故勸令入學動輒推諉多詞近日風氣漸開多有送子弟入學  
者而國內外專門學校亦有人焉

語言 先哲有言我入斯土略聞語言即知情慄矧在通化五方雜

處籍多魯人口操魯語出言或反真意斯露熟悉土語當為急  
務故輯土語

(土語) 吸飯 飯吃 哈酒 酒飲 打腰 迹發 活該 之應當 開套 動爬 火喇 氣生 街

溜 業無正 跑腿 外隻身 吃晌 飯午 耍雄 賴狡 毬子 畜吝 秧子 絳純 打圍 獵行 打凍

過閉門 親望 串門 友望 可蠢 陋愚 寒忖 辱受 撩啦 走跑 嘮科 語開 瞎攔 說話不 二虎

莽鹵 人不同 各路 性情與 抬扛 不合語 埋態 潔不 趕活 生謀 趕火 事作 放山 挖人 趕禮

禮送 速迅 爽神 瀉泄 統通 共總 胡咧咧 說胡 老爺子 之尊長 老幫子 老疙

疸 均最幼兄 老把頭 趕力羅 均入山 挖棒槌 挖人 麻溜的 速迅 趕仗 徒勞

一大堆 體全 到得了 事能辦 鬼嚙牙 黎明天奇 不趕蹚 不趕辦 瞎扯蛋 語謊 打

哈哈 之輕忽 零不丁 零不丁 均猝不 僵眼子 強偏 埋態人 人污 你掩我



責人吃嚼爛食美打平夥均錢吃勞金工作花眼圈無正攢體己積錢

磨不開對人拉花樹尋蜂一骨龍總全抖起來了容形人老冬狗之得意

子入山伐木之稱估老山音仗勢扎箍扎箍治病及修物件溜達溜達開步起早攤黑

勞听夕眞踢動啦損失之謂餂嘴抹舌的口鬼頭蝦蟆眼詐老實八脚

的說人忠厚懈裏懈怠的懈隔二偏三拉裏拉忽的均疏忽之謂紅口白牙

的猶言好好一個人也不善贊美不大利行可

鼓樂 遼金時代有琵琶箜篌簾管大鼓腰鼓之類今則琵琶盛行

於中國箜篌或見於日本餘皆失傳惟大鼓間有用者瞽者賣

卜街頭每吹短笛其聲嗚嗚與關內音調迥異豈玉關羌笛流

傳至此歟俗倘於婚嫁喪葬均有鼓樂音調大同小異非久居

是邦驟聞其聲頗不易辨

二 交際

日常生活交際之範圍 每逢季節新年互饋相賀殺鷄爲黍沽酒

剪韭情話絮絮談桑講麻喜事則相慶賀凶事則相弔慰無間

親友不分主佃有無相通遇事互助敦篤之誼樸誠之風有勝

文化大啓之邦

季節娛樂及饋贈 元旦除日 享祀祖禰夕則祭告天地家人父

子團聚共食喜叙天倫之樂歡騰一室之內元旦則互相饋贈

餽品糕點賀年道福

元宵節 鎮市居民互饋元宵(湯圓)鄉村間亦有之蒸麪燈



注獸油燃送於墳塋及各處燈火光明如同白晝而秧歌龍燈之扮演商家花火之燃放至爲熱鬧

端午節 親朋互饋角黍及涼糕等物居家則懸艾蒲桃枝以却五毒繫五色線及采帚以避凶邪食角黍飲酒以資歡娛焉仲秋節 無論市鄉村鎮親戚朋友之間以月餅西瓜葡萄等品互相饋送洎乎皓魄東升皎潔異常遂陳瓜果月餅以圓月焉

古凶事之饋贈及祝賀慰問 喜事道賀並贈現金或饋食物亦有以金銀飾物相饋遺者或賀婚壽而送以幛額者

凶事則弔慰其於喪祭有饋現金祭饌及紙箔亦有送幛額者

### 三 婚姻之禮俗

納采 兩家結婚先由媒妁通言介紹

問名 媒妁開送兩家男女之出生年月日時是謂合婚然後兩家互相覬視是謂相婚

納吉 問名後男家備辦茶棗飾品由媒妁偕至女家女家設盛饌宴筵前女與男家親族行相見禮謂之裝菸男家贈以現金是謂定婚亦曰過小禮或謂下茶並繕婚書兩家各存一份以爲信守

納徵 親迎前一月內行納幣禮俗曰過大禮將定婚時所許女家之品物及定婚之現金於此時納送女家女家設盛宴以款待



之

請期 在納徵後或納徵之同時行之俗謂送日子

親迎 先一日新郎衣冠齊整由僮引導行告廟禮並拜祖墳女家

送嫁妝陳列於婚室謂之晾轎至日婿盛服至女家（亦有不

赴岳家而等婚者）由女弟迎伴至家堂行奠雁禮（近日祇行

禮而不持雁）當日之夜女家高燒紅燭爲女開臉（有不開臉

曰迎毛女）至吉時上轎婿先歸新娘至細樂三奏由娶送婆

扶下轎以紅毡鋪地婿前導至天地位前行叩拜禮曰拜天地

抵房門婿以秤桿挑去新娘蓋頭紅入婚室新娘坐於指定之

方向曰坐床遂設宴以款親友及女之家族午後客去新娘抱

柴以親炊事晚舉合巹之禮次日晨起謁見翁姑行廟見禮並

向親族尊長及家人行拜見禮

男女平均結婚年齡 最高爲二十五歲最低爲十五歲平均爲二

十歲

童養媳及多妻 童養媳之風尙盛行蓋女家因家境困窘或女之

父母死亡不能養贍者乃由男家接養境內納妾之風甚熾殊

不合於伉儷之正道也

其他如新娘之夜鬧房之舉諧謔百出繩之於禮教男女之閑

亦甚弗當

四 喪葬



初終襲歛及小歛 臨終前爲之櫛沐洗浴（此卽浴屍禮也乃行在絕氣前故不特設浴床及襲床）備冠服帶靴及銀質含具並設歛牀展茵褥布壽衣移臥床上去常衣著壽衣既終覆以歛衾含尸訖以紅繩絆屍孝子呼其親拄木杖登門指路遂號哭擗踊去冠諸婦女子披髮孝子赴土地廟告祭謂之報廟喪主及諸子加首經腰經皆以麻婦女以麻綴髮床前設帳遣人訃告親友治棺及喪具並定製冥物設奠立主哭盡哀

大歛及成服 執事者以棺入承以兩凳內奠七星板藉茵褥施綿衾置棗栗銅錢等屆時奉尸入棺附身及附棺概置冥物及生時所落之齒髮填充平滿喪主以下頻呼入歛取出含具開手

足絆以綿團蘸水開耳目口光謂之淨面乃蓋棺加錠復呼其親躲釘遂哭踊盡哀徹床停柩堂中或靈棚內柩前設主座几筵供具立引旛諸子及諸婦女伴宿柩之左右寢苦枕塊哀至則哭晝夜無時而在服之人於歛前按親疏之等成服有全孝或散給孝帶者其與親友者在蓋棺掩口前行之每日早晚午間三次赴廟送漿水斯時請陰陽先生開殃榜及看向等事諸多禁忌第三日親友扶助孝家赴廟送三亦曰送盤費孝子捧主至冥轎旁卽呼其親上轎遂焚化冥物紙馬孝家膝行向西南送之自此後不再送漿水矣朝夕上祭陣酒饌果蔬五服之人各以等就位焚奠哭盡哀開弔時親友以祭物致弔唁



啓殯至葬 有五日或七日發引靈柩罩以彩衣以十六人或二十四人槓抬孝子捧主執紼撐引魂旛五服之人各以序哭送至墓所啓期前擇吉開兆祭后土後遂開壙發引前一夜告遷柩孝子哭踊盡哀斯晨赴廟告啓期於棺上置引魂鷄孝子將焚紙鉢摔碎遂起靈發引焉至墓所按向入窆覆土成墳乃焚冥物致祭奉主返

點主 通邑罕有行之者其舉行此禮者又多在開弔前一日考之喪禮殊不合也

小祥 亡後一週年以香豬供饌酒醴等品至墳哭奠有設筵以宴賓客者

大祥 亡後二週年其儀式同小祥

換服 除服前一月卽換素服

除服 亡後三週年盛設奠祭及宴筵至墳哭祭後遂換常服

其他 死後第七日晚紫望鄉台以火焚之曰上望殯後第三日圓墳每七日則上墳謂之燒七當五七時孝家燒花盆意爲死見五殿閻王也燒七僅至七七再不燒矣六十天過奈河孝家紮花船至墳哭奠百日至墳哭奠以盛宴欸待親友且禮謝焉惟多於百日前一二日行之又在先幾日始理髮整容

村農多爲三日之殯第二日晚送三貧戶或於死後卽行歛葬焉



五 民間信仰

家庭中所供之神佛 一般民戶皆奉竈神少有供財神者無子者且祀張仙近來佛教熾興奉佛者亦大有人焉

主要信仰之宗教 主要信仰者爲佛教而信仰回教者爲回民至受基督之洗禮者特二千餘人耳其關於堪輿星相巫覡及跳神等近來信者亦漸寡焉

六 鄉鎮村中年中之祝祭

祝祭名詞 祀祖 掃墳 祭老把頭 浴佛節 娘娘誕 孟蘭會 圓月 祀竈等

舉辦月日 祀祖在年除日 掃墳在年除日(十二月底)上元節

(正月十五日)清明節中元節(七月十五日)下元節(十月一日)祭老把頭三月十六日 浴佛節在四月初八日 娘娘誕在四月十八日 孟蘭會在七月十五日 圓月在八月十五日(仲秋節)祀竈在十二月二十三日

(以上各祝祭之月日統爲舊曆)

祝祭宗旨 祀祖所以追遠而思孝 掃墳所以添土修墓不使先人之骨骸曝露蓋亦古昔教孝之遺型而亦鄉村中之美俗也 祭老把頭者所以紀念始闢荒徼而得生存於斯土也 浴佛節及娘娘誕乃迷信佛道希邀神佑耳 圓月所以慶有秋而家人得以足衣食頌團圓也 祀竈所以紀念火食之功非



俗間傳以竈王升天向天帝奏善惡也

### 七 俗謠諺語

民謠及童謠 嗣續 二十歲沒兒背地想三十歲沒兒對人講四十歲沒兒滿街嚷五十歲沒兒絕了望六十歲沒兒哭濕了衣裳

勤苦 要想發大財半夜三更便起來要想受大窮睡到日頭紅

繼母 小白菜地裡黃七歲八歲沒有娘跟着爹爹還好過就怕爹爹娶後娘娶了後娘三年整生個弟弟比我強他吃肉喝湯端起碗來淚汪汪爹爹問我哭什麼碗底熱了把我燙

姑嫂 豇豆角兩頭摺騎着毛驢上娘家媽媽接到衚衕口爹爹接到大門首哥哥出來眤一眤嫂嫂出來扭一扭哥哥嫂嫂你不用眤不用扭不吃你飯不喝你酒當天來當天走嫂嫂送到鍋台後哥哥着到馬棚右爹爹送到大門外媽媽送到南河厓爹爹問孩兒孩兒多怎來等着爹爹媽死了披麻帶孝來哥嫂問妹妹多怎來擗牛下崽鐵樹開花我再來

寒暑 八月暖九月溫十月有個小陽春冬月剛要冷臘月打了春

飲食 菜熱三遍肉也不換飯熱三遍狗不希見

婚嫁 男大當婚女大當嫁不婚不嫁弄出笑話



知足 他騎駿馬我騎驢仔細思量百不如回頭看見推車漢  
上雖不足下有餘

親疏 隔層肚皮隔層山隔着釜台不冒煙

占雨 螞蟻塞穴蛇過道燕子鑽天山戴帽

反常 人多亂龍多早陰天日頭獨頭蒜媳婦多了婆婆做飯

娶媳婦 小小子坐門墩兒哭哭咧咧要媳婦兒作甚麼作菜

作飯兒晚上作伴兒

婚姻 兒娃娃娘攆攆長大了進秀才爲娘給你說個華太太

太太大接咱家門前擺着兩桌大喇叭喇叭響客來往花轎落

到大門上牽娘子迎新娘好與我兒拜華堂拜堂畢入洞房兒

端茶飯媳端湯落得爲娘把福享

生育 新娘子紡綿花不出一年養個胖娃娃公也喜婆也喜

丈夫抱起笑嘻嘻

愛子 小紅孩騎紅馬一轡頭跑到丈爺家丈爺丈母沒在家

大舅子留小小舅拉拉到客屋去喝茶隔着窗櫺看見他雲盤

大臉蘇州大環點點小脚委實好看回家去有個蟒疙疸換了

八吊八託媒人娶到家過門三年整添了一對小娃娃大的七

兒小的叫八同到南河釣蛤蟆七去釣八去拉一下子淹死弟

兄倆哭聲七叫聲八這個日子過什麼跳在河裏死了罷

姨家 金銀花十二朶大姨媽來接我猪抱柴狗燒火貓兒煮



飯笑死我

乞人 我要我的飯你看你的家可恨勢力狗單咬破衣衫

虐媳 毛紅布剪子裁夜間夢見俺哥來俺哥要吃細羅麪粗  
籬籬細籬研研了二斗好白麪拿金盆洗手拿銀盆和麪拿起  
擀杖一大片拿起刀來一條線下在鍋裏團團轉盛在碗裏蓮  
花瓣公一碗婆一碗兩個小孩兩半碗案板底下藏一碗南院  
大嫂來討火擱了案板打了碗公公拿起打牛鞭婆婆拿起半  
拉磚打的媳婦叫黃天

新嫁婦 天天天地地張家姑娘出嫁去正日子到來了姑  
娘淚如渠可憐孩兒嫁個傻女婿傻女婿不如意女兒賽似入  
地獄又加婆娘怨我無能力工作遲整天罵個賊死打個入地  
娘家離着遠有苦無處訴還記得我娘對我嫂一樣是如此活  
兒要多做美味要少吃心兒亂如絮

拉鋸 拉大鋸扯大鋸老娘門口唱大戲接姑娘喚女婿小外  
甥也要去殺綿羊宰母鷄吃的小外甥哭涕涕拉上馬套上車  
送你快回來

小麻雀 小麻雀尾巴長娶個媳婦不要娘親娘扔在山坡後  
媳婦揩在炕頭上親娘要吃乾燒餅說是沒錢不答應媳婦要  
吃話酸梨打着燈籠去趕集快拿刀快剝皮慢慢吃慢慢嚥梨  
胡卡了不好看



老烏鴉 老烏鴉上草梁無娘的孩子真難過跟爹睡爹罵我  
跟娘睡娘打我跟姐睡姐搯我自己睡貓咬脚你看無娘的孩  
子難過不難過

老牛 老牛老牛快起身南山有地未曾耕你我出些力養活  
許多人

大雪 大雪紛紛下柴米多漲價老鴉滿地飛小雀聲喳喳板  
凳當柴買嚇得牀兒怕

恨生姑娘 小三姐十八啦三根頭髮披肩啦東街裏染紅布  
西街裏買綠裙打發三姐快出門爹躲脚媽拍手不如從小喂  
了狗

寓言諺語 馬到臨崖收韁晚船到江心補漏遲

時來易借銀千兩運去難借酒半壺  
不行春風那得秋雨

清明難得晴穀雨難得雨

八月十五雲遮月正月十五雪打燈

風吹佛爺面有糧也不賤風吹佛爺背無糧也不貴（四月初  
八日）

路遙知馬力日久見人心

人見利而不見害魚見食而不見鈎

親戚遠離香鄰居高打牆



遠親不如近鄰近鄰不如對門

親是親財是財親戚動財兩不來

能穿朋友衣不沾朋友妻

能拆十座廟不拆一家婚

鐵打房梁磨繡針功到自然成

炕上有病人地下有愁人

人在家中坐禍從天上來

人不知死車不知翻

咬人狗不露齒

水深流的慢貴人語話遲

老虎一隻能攔路老鼠一羣也喂貓

好的不在多一個趕十個

有智不在年高無智空活百歲

天下無難事就怕心不專

狼到天邊吃肉狗到天邊吃屎

看花容易繡花難

指兒不養老指地不打糧

塌天有大漢過河有矧子

屋漏偏逢連夜雨窮人又遇閏月年

車到山前必有路人到危時必有濟



盲人騎瞎馬半夜臨深池

不作愧心事那怕鬼叫門

老天不餓死沒眼的野雉

心正不怕影斜

刀子嘴豆腐心

嘴話心苦面善心惡

用人靠前不用人靠後

兌上錢糧不怕官孝順父母不怕天

大財是命小財得掙

不受苦中苦難得甜中甜

吃虧是師傅

讓人不算痴過後得便宜

作好事有飯吃

欺了人欺不了天

佛在心頭上何必遠燒香

吃得苦讓得人才是好漢子

求人不如求己

秉性難改泰山難移

勸了皮勸不了瓢

久賭無勝家



勸賭不勸嫖勸嫖兩不交

酒越渴越厚錢越耍越薄

遠敬衣帽近敬財

白日滿街吃茶黑天點燈剝麻

巧者拙之奴

穀子稗子不算糧孀子大娘不算娘

有錢不置河邊地將來水沖去

休妻毀地到老不濟



通禮

一冠禮

冠義

記曰凡人之所以爲人者禮義也禮義之始在於正容體齊顏色順辭令容體正顏色齊辭令順而后禮義備以正君臣親父子和長幼君臣正父子親長幼而后禮義立故冠而後服備服備而後容體正顏色齊辭令順故曰冠者禮之始也是故古者聖王重冠古者冠禮筮日筮賓所以敬冠事敬冠事所以重禮重禮所以爲國本也故冠於阼以著代也醮於客位三加彌尊加有成也已冠而字之成人之道也見於母母拜之見於兄弟兄弟拜之成人而與爲禮也玄冠玄端奠摯於君遂以摯見於鄉大夫鄉先生以成人見也成人之者將責成人禮焉也責成人禮焉者將責爲人子爲人弟爲人臣爲人少者之禮行焉將責四者之行於人其禮可不重與故孝弟忠順之行立而后可以爲人可以爲人而后可以治人也故聖王重禮故曰冠者禮之始也嘉事之重者也是故古者重冠重冠故行之於廟行之於廟者所以以尊重事尊重事而不敢擅重事不敢擅重事所以自卑而尊先祖也

士冠禮

士子年及二十

二十曰冠弱

主人諏日爲子加冠於彌廟

無廟則於寢行之

前期三日主

人禮服親自延賓

鄉黨戚友中年高德劭者

辭曰

某有子將於某日加冠敢請教



之)賓辭曰(某不敏恐辱命敢辭)主人固請賓答曰(辱承重命某敢不從)主人再拜賓答拜主人退賓送至門外延贊冠者一人贊冠者佐賓爲亦如之並廣延鄉黨戚友使來觀禮

冠期厥明執事者設洗器於廟堂東序主人禮服立于階下東序西面兄弟戚友依次立于洗東西面北上將冠者盛服玄青緞馬褂正藍色袍子立於房

中南面賓至贊冠者從之立于門外執事者告主人出迎揖讓而入至于階主人升立於序端西面賓西序東面贊冠者盥于洗西執冠

即國家通用之禮帽豫立階上以待執事者布席于東序少北西面將冠者出房南

面賓揖將冠者將冠者答揖降卽筵坐賓降主人降賓盥畢揖讓而升主人升復初位贊冠者執冠東面授賓將冠者興賓執冠行翔而

通化縣志 卷二 禮俗志 八一

前加于將冠者之首祝曰令月吉日始加元服棄爾幼志順爾成德

壽考惟祺介爾景福冠者再拜賓答拜賓揖冠者就筵贊冠者舉觶

授賓賓始醮之辭曰旨酒既清嘉薦亶時始加元服兄弟具來孝友

時格永乃保之冠者筵西拜受賓答拜贊冠者薦脯醢冠者奠觶於

薦東再醮曰旨酒既清嘉薦伊脯乃申爾服禮儀有序祭此嘉爵承

天之祐冠者拜受如初醮儀三醮曰旨酒令芳籩豆有楚咸加爾服

肴升折俎承天之慶受福無疆冠者拜受如再醮儀賓降直西序東面主人降復初位冠者立於西階東南面賓字之辭曰禮儀既備令

月吉日昭告爾字爰字孔嘉髦士攸宜宜之于假永受保之曰伯某甫仲叔季唯其所當冠者再拜賓答拜賓出主人送于廟門外請醴賓賓禮辭許饌者布



席于中堂賓東主西揖讓就坐進饌行酒三巡賓興離席告退揖主人答揖送賓於門外冠者入祀祖先拜見父母見於兄弟兄弟再拜冠者答拜拜見贊冠者亦如之見姑姑姊如見母見鄉黨戚友揖鄉黨戚友答揖主人請贊冠者鄉黨戚友飲酒筵畢主人以禮物酬賓力不能舉者鄉社長集資合及年者行之禮可從簡書冠者姓名以納於有司

### 二婚禮

#### 士婚禮

納采 使人納其采擇之禮（兩姓結親先由媒妁通言女家允許後擇吉行納采禮）儀禮鄭注昏必由媒交接所以養廉恥

問名 主人具書遣使者至女氏問女之名女氏主人復書具女所出及生年月日以告也曲禮男女非有行媒不相知名之謂也儀禮問名之辭曰敢請女爲誰氏

納吉 納吉者謂歸卜於寢廟得吉兆使復於女氏婚姻之事於是定卽俗謂合婚之意也

納徵 卽納幣使使者納幣以成昏禮（誡日具書備禮物章服等於女家女氏受物復書如納采禮）

請期 誡吉具書備禮物告女氏女氏拜受復書如納徵禮

新迎 婿自迎娶也（親迎日婿公服率從者婦輿等至女家奠雁畢乘馬先俟於門婦至降輿婿引導入室行交拜合昏禮）



納采問名禮節 納采先期主人具書請女為誰氏出並問生年月

日別具婚者名字伯仲生年月日附於書媒氏預告女家其日

夙興以子弟一人為使既遣媒氏往告又以子弟為使者以嫁娶不可無媒亦不全憑媒當慎其始也具禮服奉書偕媒

氏如女家女氏主人亦禮服迎門外揖讓入升堂賓東面奉書

致辭從者陳禮物於堂主人北面再拜受書賓避拜諸退俟命

僮者亦使子弟一人為之如賓服導賓入別室主人以書入具復書具女所出及名

字伯仲生年月日附於書僮延賓升堂主人奉書出西面授賓

再拜賓受書避拜從者請退主人請醴賓賓禮辭許饌者布席

中堂賓東主西揖讓就坐進饌行酒三巡賓興離席告退揖主

人答揖送賓於門外使還復命主人納書如授書禮醴使者如

初

納徵禮節 先期具書備禮物章服一稱章如其等幣飾食品多寡

豐儉惟家之宜媒氏預告女家其日夙興主人遣使奉書及禮

物如女家女氏主人受書及禮物具復書授賓醴賓如納采禮

請期禮節 昏期諏吉具書備禮物遣使如女家女氏主人迎賓入

賓致辭請期主人辭言期宜由夫家定賓迺奉書告期主人

拜受具復書授賓賓還復於主人皆如納徵禮納采至請期皆用昕日出時也所謂旭日始旦是也

親迎禮節 婚期前一日女家使人以奩具張陳婚室至日婿家筵

於室中位東西向別以案陳合巹器設醮爵於堂下之東初婚

婿盛服俟於堂鼓吹樂人無定數無者聽婿馬一乘或車亦可二燭前馬婦



綵輿一乘

或輜亦可

均俟於門外主人盛服出醮子

父歿則以有服之尊長醮後仿此

位於堂

東南面婚者升至西階再拜執事者升授爵婚者北面跪受卒爵反於執事者父命之迎婚者輿降出乘馬執事者隨以雁儀

從在前婦輿在後如女家其日女父告於祠堂

無祠堂者告於寢

辭曰某之

第幾女某將以今日歸某氏敢告還醮女於堂父東母西姆相女出至父母前北面再拜侍者斟酒醮女如父醮子儀父訓女

以宜家之道母申命之女識之不唯婿既至主人迎於門外揖

讓入婿執雁從至廳事主人西南婿北面立奠雁再拜主人不

答拜

尊雁而拜肅禮也非拜主人故不答拜

姆奉女出於中門婿揖降女從主人不降送姆

奉女登輿女家亦以二燭前輿乘馬先俟於門婦至降輿婿

導入升堂婿婦交拜訖執事者導婿先行姆奉婦從之適其室

媵

婦家送者

布婿席於東御

婿家迎者

布婦席於西設七箸醯醬婿肅婦卽對

筵坐饌入卒食媵取棗實酒醕婿御取棗實酒醕婦酌用三

卒盞婿出媵御施衾枕婿入燭出

見舅姑禮節 既娶次晨堂中設舅姑坐南向前置案親屬序立姆

相引新婦詣案前贊拜爲禮獻贊幣（爲棗栗暇修之類）奠於

案舅姑以其成婦亦禮答之

婦盥饋舅姑饗婦禮節 是日婦具酒饌設七箸醯醬行盥饋禮舅

姑就坐婦從者奉饌入授婦獻於舅姑舐卒食乃酌酒醕舅姑

贊拜爲禮舅姑卒飲興廼共饗婦侍者布婦席稍東西向具酒



饌設七箸醯醬舅姑臨之婦卒食姑臨之婦拜受卒飲舅姑反休於室婦退

廟見禮節

三日婦見於廟

無廟則見於寢

厥明執事者設饌具主人啓櫝陳

主如常祭禮主人爲位階下之東婚者在後主婦爲位階下之西婦在後各就位再拜主人升獻酒讀告辭曰某之第幾子某已婚畢率新婦某見餘辭如祭式退立於東婦進當中階下北面再拜興復位主人復位及主婦以下行再拜禮畢納主徹退

若同居有尊長者婦見如見舅姑禮見夫之伯叔母與見姑同答以肅拜見姊妹小姑以夫之齒序拜皆答禮夫兄弟之子若女婦受拜答以肅拜肅拜但交手低頭而不折腰屈膝婦人之吉拜也於卑幼用之

壻見婦父母

誛曰婚者以贄

賝分所應用

往見婦之父母主人迎於門外

揖讓入升堂奠贄壻北面再拜主人主婦西面答拜出主人醴

以一獻之禮

醮子禮節

迎娶之時壻家於正廳設父坐前置案相禮引婿至案

前贊拜如禮父垂訓戒辭曰（往迎爾相承我宗事相率以敬

毋忝大禮）壻答（不敢忘命）然後往女家迎娶

醮女禮節

女家已屆吉時設父母座於內廳前置案姆相導女詣

案前贊拜爲禮父垂訓戒辭曰（戒之戒之夙夜毋違爾舅姑

之命）母垂訓戒辭曰（夙夜毋違爾閨門之禮）又贊拜爲禮

遂相送至中門外升輿

奠雁禮節

用生雁一對

無雁以鵝代之

以紅繒交絡之

取雁不再偶之義

於親迎時壻奠

於主人之前贊拜如禮壻辭曰（某受命於父以茲佳偶恭聽



成命) 主人答拜辭曰(某固願從命)禮畢迎女于歸

合巹禮節 女至壻家於花燭前交拜歸房之後壻東婦西就坐從

者取兩盃斟酒交易進飲謂之合巹古盃之制以小匏剖而兩之漆以成盃取天然配合之義

三喪禮

士喪禮

喪服制度 斬衰齊衰杖期不杖期齊衰五月三月大功小功及總

麻

斬衰 服生麻布旁及下際不緝麻冠經菅履竹杖上圓下方長與心齊婦人麻屨

不杖餘同

齊衰杖期不杖期 服熟麻布旁及下際緝之麻冠經草屨桐杖上圓下方

長與心齊 婦人麻屨餘同

齊衰五月三月 服熟桐麻布冠經如其服草屨婦人麻屨

大功 服粗白布冠經如其服繭布緣屨

小功 服稍細白布冠經如其服屨同上

總麻 服細白布經帶如其服素屨無飾

凡喪三年者百日理髮在喪不飲酒不食肉不處內不與吉事不娶


妻納妾門庭不換舊符 期之喪二月理髮在喪不婚嫁九月五月

者踰月理髮三月者踰旬理髮在喪均不與燕樂



喪服總圖

斬衰三年				
用	至	粗	麻	布
齊衰五月			齊衰杖期	齊衰不杖期
用	稍	粗	麻	布
			大功九月	
用	粗	熟	布	為
			小功五月	
用	稍	粗	熟	布
			總麻三月	
用	稍	細	熟	布





本宗九族五服之圖

				高祖父母 齊衰 三月											
				曾祖父母 齊衰 五月		曾伯祖父母 總麻									
		族祖姑 在室總麻 出嫁無服		祖姑 在室小功 出嫁總麻		伯祖父母 小功 齊衰 不杖期		叔伯父母 小功 齊衰 不杖期		族叔伯父母 總麻					
		族姑 在室總麻 出嫁無服		堂姑 在室小功 出嫁總麻		姑 在室期年 出嫁大功		叔伯父母 小功 斬衰三年		堂叔伯父母 小功 斬衰三年		族叔伯父母 總麻			
		再從姊妹 在室小功 出嫁總麻		堂姊妹 在室大功 出嫁小功		姊妹 在室期年 出嫁大功		兄弟 小功 期年		堂兄弟 大功 期年		再從兄弟 小功 無服		族兄弟 總麻 無服	
		再從姪女 在室總麻 出嫁無服		堂姪女 在室小功 出嫁無服		姪女 在室期年 出嫁大功		姪姪 大功 期年		堂姪姪 小功 總麻		再從姪姪 總麻 無服			
		堂姪孫女 在室總麻 在嫁無服		姪孫女 在室小功 出嫁總麻		姪曾孫女 在室總麻 出嫁無服		姪孫 小功 總麻		堂姪孫 無服					
								曾孫 總麻 無服		曾姪孫 總麻 無服					
								元孫 總麻 無服							

凡姑姊妹女及孫女在室或已嫁被  
出而歸服並與男子同出嫁而無夫

與子者為兄弟姊妹及姪  
皆不杖期

凡嫡孫父卒為祖父母承  
重服斬衰三年若為曾高  
祖父母承重服亦同

凡同五世祖族屬在總麻  
絕服之外皆為袒免親遇  
喪葬則服素服尺布纏頭




妻爲夫族服圖

夫爲祖父母及高曾

祖父母承重者並從

夫服



謹案爲夫之姑姊妹小功

堂姊妹總麻降於夫者已

多不得再降故圖內不分

在室出嫁



妾為家長族服之圖

嫡孫衆孫為庶祖母小功  
五月

家長	祖
功	母 父 小
家長	長
年	母 父 期

妾為家長之女無服為其所生女服期年出嫁則降

功

妻親服圖

妻祖父母	無服
妻伯叔	無服
妻父母	總麻
妻之姑	無服
妻兄弟及妻	無服
妻外祖父母	無服
妻姊妹	無服
己身	為壻總麻
妻兄弟子	無服
女之子	總麻
妻姊妹子	無服
女之孫	無服
別之圖內女之子兼	男女言

謹案妻外祖父母婦之餘親也壻及女之子孫非妻親亦附及者今皆加粗線

正妻	家長
年	期 年 三 衰 斬

為其子	家長長子	家長衆子
年	期	年
為其孫	家長嫡孫	家長衆孫
功	大	服
	無	無







外親服圖

妻為夫外親

服降一等

母祖父母	無
服	

母之兄弟	小	功
外祖父母	小	功
母之姊妹	小	功

謹案圖內己身及子孫字皆兼男女言惟女之出嫁者降等

堂舅之子	無	服
兩姨之子	麻	總
己身	麻	總
母舅之子	麻	總
堂舅之子	無	服

舅之孫	無	服
姑之子	麻	總
姨之孫	無	服

謹案外親專指母黨言姑之

子孫父黨旁

親也

姑之孫	無	服
-----	---	---

圖特附見故遞

下一層與舅姨

之子孫並列今加粗線別之



爲人後者爲本生親屬降服之

爲人後者爲本生母之父母兄

弟姊妹爲本生姊妹之

子及女在室者均服總

麻外姻之報服

亦如之

圖

本生親屬爲爲人後者

報皆如其服

高祖 母父 麻	會祖 母父 功	會伯 祖父母 服	堂伯 祖父母 服	從堂 叔伯父母 服	族兄 弟 服
總	小	無	無	無	無
祖	祖	母父 祖伯	堂伯 祖父母	堂 叔伯父母	堂 兄弟
父母	父母	叔伯 父母	叔伯 父母	兄弟	兄弟
功	大	總	總	總	總
齊	衰	大	大	小	小
不杖期	持服期年	兄	兄	兄	兄
	爲人後者若所後同高曾祖父母仍從本服 爲人後者爲本生父母庶子之爲人後者爲本生父母	弟	弟	弟	弟
		妻	妻	妻	妻
		麻	麻	麻	麻
		姪	姪	姪	姪
		婦	婦	婦	婦
		功	功	功	功
		大	大	大	大
		姪	姪	姪	姪
		孫	孫	孫	孫
		婦	婦	婦	婦
		麻	麻	麻	麻
		無	無	無	無
		姪	姪	姪	姪
		曾	曾	曾	曾
		孫	孫	孫	孫
		服	服	服	服
		無	無	無	無

爲人後者之妻爲夫之

本生父母服大功於夫

之本生餘親各從本服降一等

報亦如之

女出嫁爲伯叔父兄弟

及姪之爲人後者服小

功從兄弟之爲人後者

服總麻

族 姊妹 服	從堂 姊妹 服	從堂 姪女 服
無	在室總麻	無

堂 祖姑 服	堂 姑 服	堂 姊妹 服	堂 姪女 服
無	在室總麻	在室小功	在室總麻
出嫁無服	出嫁無服	出嫁總麻	出嫁無服
在室總麻	在室大功	在室小功	在室總麻
出嫁小功	出嫁小功	出嫁小功	出嫁小功
在室大功	在室大功	在室大功	在室總麻
出嫁小功	出嫁小功	出嫁小功	出嫁小功
在室大功	在室大功	在室大功	在室總麻
出嫁小功	出嫁小功	出嫁小功	出嫁小功
在室總麻	在室總麻	在室總麻	無
出嫁小功	出嫁小功	出嫁小功	無
在室總麻	在室總麻	在室總麻	無



初終襲歛 既終子號哭擗踊去冠諸婦女子去飾期功以下男女

皆易素服常服之無文采者男哭牀東女哭牀西異向立喪主以適長子無則長孫承重無長孫則以嫡次攝無嫡

次則以庶長攝俟得孫承重後於神主改題奉祀之名凡子孫主喪專奉饋奠其與賓客為禮則以同居之親且尊者主之主婦以亡者之妻無妻及母之喪則以喪主之妻當之護喪以家長或兄弟若弟知禮能幹者

為之凡喪事皆禦之司賓以戚友為友贊祝以戚友為友諸執事人治棺及凡喪具護喪者使人

訃告親屬僚友執事者帷寢尸未設飾故帷其室非施帷於床也設浴牀於尸牀前浴牀即板牀舒簟設

枕不用氈褥以便澆水沐浴襲牀在浴牀西東陳沐浴巾櫛含具以珠玉實口謂之含具襲事陳其

旁常服一稱冠及禮服帶鞞皆備侍者遷尸浴牀南首諸子哭

踊婦人出女喪則男出廼去尸衣覆以歛衾侍者奉及巾櫛入沐浴喪

主及諸子止哭眡執事者結襲衣縱置於牀南領舉尸易牀徹

浴具浴牀埋巾櫛及餘水於屏處廼去衾襲常服加面巾即牀

前為位即靈位以素綾若紙為之不書奉祀子名又設照像於案正中皆古人立重之遺意也立魂帛用白絹摺為長條左書死者生年月日時右書卒年月日時葬後立主埋於墓側設

奠陳生前所食脯醢酒果用吉器喪主以下為位序哭如禮執

事者奉含具前喪主起盥含尸訖哭復位

小歛 執事者帷堂如寢陳歛牀於堂東加歛衣複一禫一複衾一

衿絞皆備歛畢遷尸於堂喪主暨諸子加首經腰經皆以麻婦

女以麻綴髮餘同

大歛 執事者以棺入承以兩凳棺內奠七星板藉茵褥施綿衾垂

其裔於四外屆時奉尸入棺納生時所落齒髮卷衣以塞空處

今充實平滿附身附棺無嫌詳慎但視其力之能致否耳喪主以下憑棺哭踊盡哀廼蓋棺加

錠施來比葬月一麥徹歛牀舉柩停堂中加幼喪男偏極東女偏極西柩前設靈座



奉魂帛几筵供器具門內立引旛題曰顯考某府君之柩

婦則書顯妣某氏

依靈座之右設歛奠內外序哭如儀及夜諸子伴宿柩旁寢草

苦枕土塊

三月後方可復寢

不脫經帶諸婦女子次中門之內幃幔枕衾皆

布素哀至則哭晝夜無時

成服

三日成服在服之人各以親疏爲等

朝夕奠

厥明喪主以下五服之人各服其服就位執事者設菓蔬

酒饌如生時祝焚香斟酒點茶喪主以下詣案前再拜哭盡哀

各以其服爲序皆男先女後宗親先外嫻後復位哭止日中設

果筵奠酒及夕又奠如朝奠儀

初祭大祭

執事者陳饌筵羊酒具楮幣五服之人咸集各以其服

通化縣志

卷二

禮俗志

八八

爲序司祝焚香斟酒喪主以下詣案前再拜哭奠如儀卒奠侍

者奉楮幣送燎所焚燎大功者是日易素服行大祭禮儀與初

祭同期服者是日易素服

親賓弔奠賻

親賓聞訃告弔於喪主之家未歛至者入門易素服

司賓待於廳事以贈賻儀物授執事者入臨尸哭盡哀遂弔喪

主特哭喪主以下哭稽顙無辭賓出司賓送開弔之日至者各

以其服弔具酒果香燭厚則加貨財皆書於狀先使從者持狀

通名執事者籍記之以禮物入陳靈前喪主以下就位哭司賓

出迎賓入詣靈座前舉哀哀止跪焚香酌酒再拜興喪主出帷

稽顙哭謝賓答拜慰唁出喪主哭入司賓延客待茶賓退司賓



送於門外

啓殯至葬 卜葬先期擇地擇日開兆喪主率諸子適兆所以親賓  
一人告土神執事者陳酒饌於兆左告者吉服盥就位上香酌  
酒讀祝行禮如儀遂開壙使子弟一人留眠之喪主以下還葬  
有期豫以啓期告於戚友發引前一日厥明五服之人各服其  
服入就位朝奠訖告遷柩於殯前喪主以下再拜哭盡哀役人  
入遷柩祝奉魂帛前喪主以下哭從及外堂仍設座於柩前奉  
魂帛辭於祖禰復於靈座從哭如初及夕祖奠如朝奠儀喪主  
以下再拜哭盡哀親賓致奠行禮如儀賓出喪主以下代哭如  
初質明五服之人會葬者畢會執事者陳明器於大門外設鞍  
馬二納靈車於門內之右役人舉輦入設於廳事正中喪主以  
下哭踊廼載喪主輟哭視載牢實訖設遣奠如祖奠儀役人舁  
輦祝奉魂帛就靈車木版櫬設魂帛後柩出大門施幃蓋屬引  
遂發引旛銘旌前導次明器次靈車輦從外親分執引布在前  
喪主以下經杖衰服男在柩旁步從女在柩後輿從哭不絕聲  
出城門若里門親賓不至墓者於前途立向柩前再拜役人暫  
停輦喪主哭謝賓退柩行如初及墓執事者豫張靈幃於墓右  
置靈座几筵設題主案於右設藉柩席薦於壙前鋪陳壙中之  
事設婦女行幃於羨道之右靈車至幃外止祝奉魂帛於几上  
奉主櫬置魂帛側柩車至脫載去幃蓋方牀下於藉席祝取銘



旌縱加柩上喪主及諸子憑棺哭婦女哭羨道西屆時男女以次哭叩辭訣親賓送者再拜辭歸喪主及諸子哭謝遂窆喪主輟哭眡執事者整銘旌藏誌石明器復土喪主以下哭盡哀執事者陳饌於墓左致祭土神如開兆祭儀喪主以下退就靈幃之左序立祝盥復魂帛於箱啓櫛出木版臥置案上題主者盥就位喪主匍匐於側題主者呵筆凝神先內後外先墨後硃題主訖請主人櫛祝奉主於几上設奠焚香奠酒讀告辭喪主以下哭叩盡哀祝焚告辭奉魂帛埋於墓側奉主納櫛置靈車而返在途不驅喪主以下哭從如來儀

反哭至祔

靈車至家喪主以下哭從入門祝奉木主設几上諸子

通

化

縣

志

卷二

禮俗志

九〇

在寢東服親序在諸子後婦女哭於房中有弔者如在殯儀廼修虞事既葬返哭之祭曰虞祭送形而往迎精而返故爲虞以安之執事者具饌主人以下就位哭主婦薦羹飯主人獻爵讀祝行禮如時薦儀畢主人奉主納櫛徹哭止衆退百日卒哭儀同虞祭厥明執事者具饌於寢室如常薦禮設亡者案於祖考神案東南啟室陳神主主人率衆先哭於几筵前奉亡者之主如寢諸子以下哭從及寢門止哭陳主於東南案上衆序立焚香進饌讀告辭如常薦儀祝焚告文奉神主復室徹主人奉亡者之主復寢哭隨至几筵前納櫛訖哭止衆退

百日卒哭之後易素服於鄰里親友徧謝吊賻者稍遠者爲書

謝致




祥禫 期而小祥於忌日行事厥明喪主以下及期親就內外位哭盡哀焚香進饌酒讀祝行禮儀與卒哭同再期而大祥先忌一日設案於寢堂東西各一主人率諸子詣寢堂啟室以遞遷改題之事告於祖陳設讀祝行禮如時薦儀廼以紙裹應祧神主陳於西案奉曾祖以下神主臥置東案使子弟一人善書者改題訖復於室遞遷其位虛室中下級以竣闔門出質明主人以下就几筵前序哭陳設行禮如初期儀主人奉亡者之主躋於寢室再拜闔門徹靈床靈座罷朝夕奠徹几筵斷杖棄之屏處奉祧主於墓祭而埋於側如儀二十七月既周設几筵於廳事正中主人以下如寢堂啟室奉新祧神主陳於廳事几上祇薦酒醴讀祝如儀畢奉主復於寢室闔門退諸子素服終月始服常服

#### 四祭禮

#### 士祭禮

士家祭之禮於寢堂之北爲龕以版別爲四室奉高曾祖禰皆以妣配位南向如左圖前設香案總一服親男女成人無後者按輩行書紙位耐食男東女西相向事至則陳已事焚之不立版





歲以春夏秋冬節日出主而薦餅餌二槃肉食果蔬之屬四器羹二飯二前期主人及與祭者咸致齋薦之前夕主婦盛服治饌於房中厥明夙興主人吉服率子弟設香案於南然燭置祭文堂北設供案一二昭東穆西均以妣配位均南向設耐案於兩序下各一男東女西

東西向主人以下盥奉木主設於案設耐位於兩序案訖主人東階下立衆各依行輩東西序立主人詣香案前上香畢率在位者一跪三叩興主婦率諸婦出房中薦七著醯醬跪叩如儀退子弟奉壺主人詣神案以次斟酒薦熟訖皆就案南跪叩興子弟薦耐位畢主人跪在位者皆跪祝進至香案之右讀祭文辭曰（維某年月日孝孫某謹告於某考某府君某妣某氏之靈曰氣序流易時維仲春夏追感歲時不勝永慕謹以庶品粢盛醴齊敬薦歲事以某親某氏耐食尚饗）訖興退主人以下叩興再獻主婦薦飯羹三獻主婦薦餅餌主人斟酒跪叩均如初儀畢主人率族姓一跪三叩興祝取祭文及耐食紙位焚於庭衆出主人納木主徹退



月朔望日主人及家衆夙興盥洗啓寢室然燭詣香案前依行輩序立主人上香訖子弟奉茶主人獻茶復位率衆一跪三叩興徹茶闔室衆退若家有吉事主人盥洗啓室燃燭焚香以其事告行禮如朔望儀歲逢忌日前期齋厥明主人及子弟素服如寢室啓室出專薦之主於案焚香薦酒饌讀祝行禮如時節薦新之儀禮畢徹納于闔室退

歲寒食節或霜降節主人夙興率子弟素服具酒饌詣墓拜掃既至芟除荆草設饌於墓前主人以下序立焚香再拜興別陳饌於墓左祀土神行神如儀

### 五鄉飲酒禮

### 鄉飲酒禮

歲之正月鄉黨飲酒必於民聚之時欲見一化知尚賢尊長也各縣鄉長遴訪紳士之年高德劭者一人爲

賓次爲介又次爲衆賓賢者舉行鄉飲耆賓禮

先期主人告賓告以所爲來之事謂行鄉飲酒禮也賓拜辱主人答拜主人退賓送至門外告

介亦如之乃延衆賓至期於禮堂南面恭懸

皇帝御像旁張國旗具筵席於禮堂正中設洗器於堂東序必盥洗者所以致其絜敬之意也

主人豫立于階下東序西面待賓賓至主人降迎揖讓而升

介亦如之衆賓皆從之主人導賓同入禮堂正中向

御像國旗行再拜禮畢奏國樂賓主肅立樂止主人揖賓就筵位

西序端東面位介于東序端西面衆賓以齒正位正齒位則民知尊長養老故孝弟之行以此而成立



也主人取爵降洗賓降辭洗主人奠爵賓之席前實酒獻賓賓

揖受爵主人答揖賓復位獻介與眾賓亦如之主人北面就位

賓降取爵實酒獻主人主人揖受爵賓答揖賓主復位進酒主

人興致辭說明鄉飲酒養老尊賢之意（辭曰舉行鄉飲非為飲食凡我長幼各相

勸勉為臣盡忠為子盡孝長幼有序兄友弟恭內睦宗族外和

鄉黨無或廢墜以忝所生）畢賓興答辭厚謝主人舉行鄉飲酒之意旨並言及鄉間禮俗上應興應革之事及教育上應加

改善方法並民間疾苦情形介興實酒獻賓賓揖介答揖主人興請眾賓致辭各舉意見以告

畢主人舉酒請賓同飲奏樂酒三巡進饌樂止乃隨意談話飲

酒至無算爵筵席終賓興離席主人謝賓惠教揖賓答揖賓謝

主人厚款揖主人答揖賓告退奏樂介與眾賓從之主人揖送

至門外眾賓答揖禮畢

日加午禮畢是日晝為擊球競走之會夜設教育電影德行演

義抵戍而罷

鄉居者於秋穫後亦可舉行城鎮則於春秋暇日行之



宗教志

治國之道千經萬緯然揆厥要旨不外禮樂刑政兩途禮樂者禁人於未然之前刑政者施人於已然之後也然自世風不古人心嶮巇致道德不足範圍人心則道德因之而窮刑政不足勸懲人心則刑政因之愈壞此蕭勺羣慝甄範衆生之神道教所以不可少也粵稽我國三代時之宗教首惟畏天故考諸傳籍凡國之興衰理亂時之災眚荒歉以暨用兵得失人事臧否幾無不歸本於天此所謂哲學時代宗教也秦漢以降釋道二教之名始立釋教以博愛普濟爲主旨道教以清淨無爲爲宗旨究其流弊雖有清談寂滅丹鼎符籙之謬傳然於叔世之人心暨人羣之交感亦不無小補我縣宗教昔時僅有釋道二教海通以來始有天主基督之流入至回教則傳屬回民他族無與焉考天主基督二教之設垂數十年然以人民拘於舊習信崇者爲數尙少茲特臚舉於後作宗教志



## 佛教

佛教一名釋教教祖釋迦牟尼生於周靈王時父淨飯王爲北印度迦毘羅城主母摩耶夫人初奉婆羅門教喜息深林中冥求真道以未能脫除生老病死之四苦遂抱厭世主義年十九逃入雪山學道數年始得正覺遂出而說法凡四十餘年年八十示寂世稱釋迦牟尼以釋迦爲氏牟尼賢者之義其教以博愛普濟爲主旨佛滅後弟子五百人大會於王舍城編纂經典後百年佛弟子七百人又大會於毘舍離當時佛教勢力尙未出恒河流域及北印度阿育王崇拜釋氏定爲國教會僧侶千人於國都華子城且派教師傳教各國於是佛教大昌漸由中亞細亞傳至葱嶺以東適東漢明帝夜夢金人

遂遣蔡愔等求佛法於西域至大月氏得佛經及僧人迦葉摩騰竺法蘭以歸是爲佛教入中國之始教徒初來止於鴻臚寺遂命所居曰寺魏晉之際高句麗建國始聘西僧宏通釋典是爲佛教入遼東之始遼金元崛起北方皆崇拜釋氏滿清入關佛教與儒道同尊無賴游民多以出家爲幸事至女子出家者內典謂之比邱尼俗呼尼姑所居蘭若曰庵縣境有佛教無比邱尼自清末變法縣長潘公茂茲深鑒僧侶多游手好閒無益社會乃將廟宇改建學堂僧侶還俗廟產改歸學田是亦佛教之一大劫也晚近以來一般民衆漸趨向佛教率多在家設龕禮禪康德二年三月一日由潘貴春之倡導秉承新京佛教總會奉天支會之意趣於通化縣成立世界大同佛教



會通化分會其宗旨專爲闡揚佛教化正人心以輔政治之不足兼營慈善事業內部組織設正副會長各一人總務文書宣化會計監察等五股各股設主任幹事等均由全體會員選舉之現有會員四十人惟會員入會須先具志願書一份保證人二名不分男女老幼須心地光明忠厚誠樸者爲合格入會時繳納會金三元三角卽發給徽章聘請書其將來擬創設慈善事業如貧民學校孤兒院養老院修橋補路等以宏大佛教果能如是則不僅崇拜偶像尊重儀式盲啖經卷已也



## 道教

道教一名闡教以老子爲教祖老子姓李名耳字伯揚諡曰聃故亦稱老聃周守藏室之吏也所著道德經五千餘言亦名老子及戰國時莊周著莊子十餘萬言其要歸本於老子故後世以老莊並稱其教以清淨無爲爲宗旨漢初道教盛行如留侯辟穀欲從赤松子遊陳平曹參皆好黃老術至武帝好神仙信封禪文成五利之徒相與炫惑於是煉丹服食之說熾而道家本旨失矣後留侯八世孫張道陵復以道術相傳授子孫世守其業號爲真人其後丹鼎符籙占驗各派紛然雜出無不託之道家就中以葛洪爲最著抱朴子神仙傳等書行世從前道教僅行南方北方之有道教則自長春真人至北京始真人姓邱名處機號長春子南宋人從王重陽學得先天大道元太祖召之往見於雪山以天道好生不嗜殺人爲諫太祖重之尊爲國師建長春宮居之弟子十八人隨地布教道以大顯號龍門宗今中國北部道流皆其法嗣滿清開國郭真人望氣東來預示龍飛之讖世祖入關勅建太清宮於瀋陽如元太祖長春宮故事遼東道教從此大昌教徒散居四方到處立廟本境道教最盛之時在城內有玉皇閣城南有萬寶鉞子嶺上娘娘廟二密有老爺廟均住住持十餘人自清末佛教凌夷道教同受影響矣



## 伊斯蘭教

伊斯蘭教原稱回教又名天方教教主穆罕默德即摩訶末阿剌伯人少聰明有大志四十餘始參酌猶太基督二教別創伊斯蘭教專拜造物主不信他神其經典曰可蘭經穆罕默德遷麥地那以耶路撒冷爲朝向後以滿開爲朝向之地其傳教四方也左手持經典右手執利劍遂以武力奄有阿剌伯地建大食國神權政治以教主爲元首穆罕默德卒哈刺發神嗣之義哈刺發欲廣傳新教於域外西略非洲東侵波斯統一西亞細亞遣使通好於唐時中亞細亞及天山南路一帶之地依次轉入伊斯蘭教範圍以內以其地當突厥回紇之疆宇故稱爲回回教嗣後漸入中國其居於吾滿洲者曰東于

派所居之地皆建禮拜堂曰清真寺教長曰阿訇其在本縣境之情况分清真寺教會學校三方面概述於左

一清真寺 在縣城北山麓光緒四年建草房五間二十九年改建大殿兩重六間捲棚抱廈三間窑殿一間兩起南北講堂各三間概係古式浴室飯廳均備爲西式古色斑斕新潔加以山景清幽叢林茂鬱真別有洞天也

所管及主管 清真寺到處矗立無所主屬主管者之教長隨當地教徒之聘請三年一任任滿另聘現任阿訇劉桂亭係阿文大學畢業對於教事極稱能幹

維持費及寺產 所需費用於回民屠宰牛羊捐之正稅外附收



刀捐以爲保管維持費該寺原有園地山地各一處經建築清真校舍暫典在外

信徒 縣境計有一百三十八戶男四三一丁女三六四口共計七百九十五丁口

祭典 有五分述於左

(一)開齋日(兒代) 是日工商休業晨五時十歲以上之男子著新禮服集寺虔敬拜主禮畢至各親友家拜節

(二)小開齋(小兒代) 農工休業十歲以上男子著禮服齊集寺內統虔禮拜並聽教長講演禮畢休息一日

(三)聖誕節(穆罕默德誕辰) 教徒稱爲男聖會是日早十時男子集寺禮拜並開筵慶祝

(四)法圖麥會 教徒名曰女聖會是日早十時十歲以上女子集寺禮拜並聽教長講演設筵祝賀

(五)蓋德雷晚夕 卽夜叩頭會在開齋前三日舉行是日晚五時齊集寺內六時半就晚筵八時沐浴統虔敬禮拜拜主禮共一百三十二拜(一叩首爲一拜)夜二時或三時始禮畢

二教會 民國十六年五月成立附設清真寺南講堂康德元年七月九日改稱滿洲伊斯蘭協會通化縣分會

所管及主持者 與該教各教會均係平等無所主屬主持者係會長尹增顯鄉老



會員數 凡十歲以上之教徒均爲會員計三百五十七人  
三學校 宣統三年正月成立招生一級附設於通化城立第一國民小學堂內經費由教中牛羊屠宰捐充之每牛捐五角五分每羊捐一角後因故解散清真教會長尹增顯君當民國十六年冬呈准恢復經費由地方公款完全開支校舍借清真寺南講堂教員由教育公所委派學生學雜書籍等費概由教會擔負十七年二月開學名曰通化縣第一區立清真小學校二十一年春添招高小一級改稱通化縣立清真小學校日滿軍克復通化學校停而復開書籍由學生自備且按縣立各校例徵收學費現有初小四級高小二級學生三百三十五名

附記 婚禮形式與漢人大致相同惟結婚於寺內由教主立婚書乃成禮猶現行之文明結婚式也

喪禮 人死孝子服白衣帽鞋帶到寺報告名曰報孝孝子向教長跪下然後見一切人皆跪下而互相握手曰拿手孝服分重孝漂孝箍頭布包頭孝帶等種類約四十天後便改素服三週後脫孝著紅帶綠親友爲之道喜

人當嚙氣後謂之倒頭全家痛哭將屍置地下黃土上以白布覆全身頭前燒長香出殯時請老師夫傳經傳經畢浴屍由教長誦土圭合經及畢以白布裹屍使閤家視屍以爲永別遂嚎哭入屍埋體匣內親友捧香圍行三匝作祈禱孝子以死者愛好之衣作



教長之也帖到葬所送屍坑內頭南脚北面西而埋之名爲下土  
是日炷油香以待親友此後經七日間將三十本經誦畢曰圓經  
人死七日喪家宰牛羊以款親友其在出殯當日七日四十日百  
日一週年二週年三週年等日皆由教長爲宰牲以宴親友此喪  
禮大概情形然較之吾國通行喪禮迥乎不同也



## 天主教

天主教即基督教舊派一名加特力教中國人稱爲天主教教主耶穌基督猶太人生當中國漢哀帝時（或曰漢平帝元始元年）三十歲宣傳福音以基督自任基督者救世之義教旨在博愛教徒甚多猶太人惡之控之羅馬官吏耶穌遂死於十字架上後數百年其教風行歐洲幾遍各國當唐太宗時波斯人阿羅本賚其經典入中國太宗信之建波斯寺當時曰爲景教至武宗時與佛教並禁明成祖靖難後因訪建文帝踪跡遣太監鄭和馮保通西洋天主教徒隨入中國世宗時利馬竇來華傳教大學士徐光啟首奉之清聖祖時以南懷仁湯若望佐定歷象有功許外人傳教准於通商口岸建設教

堂宣宗因鴉片交涉復禁傳教及文宗北狩英法聯軍入京恭親王與定條約許其在內地傳教同治初法蘭西人始傳天主教於各省其主持佈道傳教者曰神父本境教堂在光緒年間（西曆一八九七年由法籍袁神父主辦）成立建於本城北山之麓計房屋二十餘間當日教徒約百餘人自庚子拳匪之亂各教徒恐遭誅夷均紛紛四散遭此打擊每況愈下以信徒太少直轄於興京教堂每年由興京派神父親查一二次至一九二五年教皇派美籍神父到滿洲始有徐恩來神父（美籍）來通主持教務同時有白景山神父（滿藉）爲之助理一九二八年則有紀國華神父繼主傳教焉此時仍屬奉天法籍主教管轄一九三〇年東邊各教區改爲美籍主教直



轄區現住主教者則爲紀神父及包海天神父（均美籍）其教統屬羅馬天主教教宗隸撫順東邊教區其所敬奉者爲萬物之眞宰惟其神權尊嚴無自由平等之樂趣故人多畏之而不敢入然自事變後信徒陡增在一九三四年調查信者一百八十餘戶男七百人女五百二十人共計一千二百二十人其傳教費約爲六千餘元由撫順總教堂發給大同元年春季創設文華小學校招生一級至康德元年春添招一級現有學生初小二級共一百二十四人其信徒之添增或藉斯力歟

### 耶穌教

耶穌教卽基督教新派基督教原分三派曰天主曰希臘曰耶穌同以耶穌基督爲教主當十六世紀日耳曼人馬丁路得反對羅馬教皇專制乃倡宗教革命別創新教曰耶穌其教旨沿舊教而脫其桎梏教士無階級牧師得蓄妻子一時信者靡然風從而大不列顛鎮國人信仰尤甚當時新舊教徒門戶水火迭起戰爭及近世信教自由其禍始息耶穌教在清同治時始入中國北部其傳至東省最晚本境地僻邊陲人智鋼塞習俗迷信多神清光緒二十一年有英人羅約翰牧師不惜跋涉之苦徒步東來傳播福音蒞通後尤不惜巨金遂價買市房二十六間共計費銀一百五十六兩晝夜宣講信徒頗衆復聘邢君子衡督理一切乃竭力佈道計是年受洗教友百餘名記名教友五百餘名爲基督教會極盛時代迨庚子拳匪肇亂各



教友流離道路死亡泰半而教會之房間業被拳匪焚燬淨盡矣拳匪亂後時局稍靖三五同志擬從而恢復之然興工一載而會務進行亦因之停止矣

清光緒二十六年邢君子衡復承兩差會之使命遣派來通始於城內東關十字街租賃民宅五間爲臨時佈道宣講所是年春季由英國差會撥來巨款復加整頓重新修理於秋後建成瓦房三十一間除本會佔用外尙租出市房二十餘間從茲考查道理者終繹不絕乃邢君復熱誠可欽蒙其口講指畫而潛心嚮導者不下千餘人

宣統元年邢君深鑑社會之黑暗人民智識不開而以婦女黑暗爲尤甚乃竭其私囊創設義務女學校一所復蒙縣長潘公茂蓀之襄助得成義舉該校附設會內邢君親自教授循循善誘實心育材時學額達五十名迨民國五年邢君因勞致疾遂呈請差會謝却會務俾歸家養疴當蒙照准然女學亦因之無款遂停辦矣

民國二年春季通化教會呈請英國差會脫離經濟關係遂在上海中華基督教總會備案請准爲中華通化基督教會每常年經費均由該本會自籌矣民國十年夏季吳木軒大夫以通埠地處寫遠人民智識簡陋憾無傳達消息之利器以灌輸之乃呈請縣長楊公子仁組織公共閱報社一處內附基督教福音堂社內訂購新聞及雜誌頗多均任人隨時參閱所有經費均由吳君一人負擔爲多且君不惜勞瘁時登臺講演公民常識道德小說社會須知一時聽者均



爲之動容足徵吳君熱心社會教育福音堂內又特聘專員專講德  
智體美羣五育以期改良社會之風化促進人民之幸福此外又聘  
專人講演衛生事宜每年春秋兩季施種牛痘以保兒童之發育如  
吳君者洵不愧宗教中之明星矣

民國十三年冬該會又聘高級神學畢業生李君興仁爲牧師李君  
自任職後熱心服務社會晝夜宣講不遺餘力每晚親自施行平民  
教育工廠教育以便平民有所裨益故自該君到會成績頗佳迥非  
天主教所能及也民國十五年李興仁教師辭職田子復來通試辦  
教事十七年龔世德牧師主會事創設平民學校有學生四十名三  
個月畢業通化平民教育之興創此爲嚆矢斯時教區劃一歸屬興

京十九年由教區董事部派金玉清任傳道事受洗者五十餘人  
大同元年春聘通化醫院吳大夫施種牛痘頗造福民衆而金牧師  
去而復歸王有謨亦來襄辦開會講道頗極一時之盛康德元年六  
月三日封吳立周爲通化教會長老助龔牧師傳道成立望友查經  
班馮恩榮女士任女人事工康德二年教會事務由吳長老負責辦  
理有教友六十餘人望友七十餘人信徒人數與天主教較殊相懸  
殊也



## 慈善志

昔孔子與弟子言志曰老者安之朋友信之少者懷之孟子亦曰惻隱之心人皆有之張子曰民無同胞物吾與也程子曰一命之士苟存心於愛物與物必有所濟從可知爲聖賢者未有不以痾瘵在抱民物爲懷者也惜自三代而後世道凌夷人心日偷禍亂相尋災害時有強壯者流離於四方老弱者死於溝壑矣今日者物質文明生計偏人海宇多故兵災禍結較古時爲尤甚爰志慈善所望仁人義士皆以宇宙內事作吾人性分內事可也

### 通化縣公益工廠

我縣自設治後土地遼濶故他省他縣之民徙居此地而就食者日漸增多生齒旣蕃良莠不等強悍者多相率而爲盜狡黠者亦恃欺騙以爲生相習成風後患不知於胡底然懲之太過則死者不可復生處之稍寬則有恃而無恐萬全之策教養爲先此教養工廠所由設也該廠首創於潘茂蒸監督嗣因款項無着後遂停辦迨民國十二年十二月袁雨田監督力請省署繼續開辦凡曾受刑事處分不知悛改者及不事正業行爲曖昧本牌甲無人結保者並有結黨橫行強丐訛索滋擾地方者均由警甲暨區長查明報送縣署核准後勅傳入廠習藝民國二十年事變後因刀匪之亂於以停辦康德元年秋經地方士紳與縣當局一再妥議始行恢復並改名爲通化縣公益工廠故自辦創後感化游民無數此慈善之一也



### 通化救貧所

天災流行盛世不免貧困失業仁者宜憐此潘茂菘公有鑒及此所以於民國三年而有救貧所之設也該所設於西關由地方各界捐資建築房屋三間凡老幼殘廢煢煢而無告者皆得入所內食宿倘有死亡者由公款備購棺木掩葬且於冬令嚴寒之時每人施給棉衣一套故自該所成立貧民不致無所歸後以經費不充未見起色事變間祇具虛名而已近且附設於公益工廠將來辦理得當固爲貧民之福音而亦爲慈善之一也

### 鴉片嗎啡療養所

自鴉片流傳中國吾國上下沈湎吸食致形容憔悴家產蕩然者不知凡幾矣然自鴉片禁止私種價值益昂貧困者無力吸食遂相率而用嗎啡嗎啡之毒較鴉片而尤烈故扎用之民皮膚潰爛形銷骨立者尤不可勝數嗚呼哀哀蒸民誰無父母嗎啡殺人竟無完膚監督潘公目睹心傷引爲隱憂遂招集地方士紳妥籌完善辦法當卽議定以東關通化醫院爲療養所自民國六年成立凡有鴉片嗎啡癮者一經警甲查拏卽送入該所用藥戒除根株故自該所成立黑籍人稀嗎啡癮斷該所既終其使命故停辦焉乃近頃民衆復多吸鴉片及扎嗎啡者故當局亟爲恢復嗎啡療養所附設地方公益工廠內辦理成績至爲優良使黑籍之民得登覺岸誠亦慈善愛民之一道也



### 義塚

關山難越旅櫬安歸萍水相逢掩埋無友不免骸骨流離道路而飽於狐貉犬虺之腹中矣本邑士紳及慈善大家邵公緯宸陳公銘三王公秉藩李公在田江公鑑齋趙公少青戰公寶山解公秀岩宋公雅臣等遂發起義舉由各團體機關共捐金於縣西里許置買義地一處計五里寬長凡客籍商民及遊旅此地者倘遭死亡均可浮厝此地至無家可歸者亦可久葬此地自義塚設而民人不致暴骨於野此亦慈善之一也

### 忠義捐

本縣地處邊陲山深林密每值青紗幃起則胡匪猖獗各區騷擾民不得安地方警甲閭閻保障盡力殺賊故每歲陣亡者爲數頗多商農兩會除集貲爲建忠烈祠堂以旌揚其忠義外並每年撥給捐費以恤陣亡士兵家屬此舉既足激勸忠義復能厚慰英靈亦慈善之一也

### 牛痘局

天花流行爲患甚烈而在小兒期爲尤甚本縣警察所長江公鑑齋爲杜絕傳染體恤貧民起見特函商通化醫院院長吳木軒君每年於春季三月中由該局施種牛痘一次純係義務不取分文故自該局成立小兒無天花危險又無痘疹之傳染至民國二十年秋因故停辦亦爲我縣慈善史上光榮之一頁云



### 山東同鄉慈善會

山東同鄉會成立於民國十年發起於戰寶山吳木軒宋智德諸公因通化境內商民半多魯籍故組織此會以重鄉誼而謀公益也初舉吳木軒姜耀德二公爲會長繼任會長則舉戰寶山史長勝乃成立慈善會舉宋雅臣李曉峯等爲董事曲允普孫寶堂等爲幹事舉宋智德毛兆濱等爲調查員並成立小學兩級舉戰廣仁爲校長附設商人養病所勸募救濟難民旅店捐款若干眞所謂急公好義見義勇爲者也惟近年來金融奇緊商市蕭條籌款不易因以停辦然亦我縣慈善史上最可紀述者也



## 僑民志

達爾文倡天演論優勝劣敗之說興克魯泡特金倡互助論世界大同之議盛蓋人類之競爭爲生存也互助亦爲生存也以人事言競爭中寓互助互助之聯結實亦爲競爭而然也若必以競爭方足存立之說鼓動人心必至彼此仇視互相殘殺則世界無國交無貿易國民株守不越雷池又勢所難能是互助之義實維其常而僑政爲國之大經也夫僑民者互助之實行而各國皆然者也通化僻處邊疆距海口遠與鐵路弗聯絡西洋各國除英美法教士傳教及帝俄據滿散佈蠻兵者外闔其無人東鄰日本之朝鮮與我最爲接近人民風習農事工業亦不相遠僑居務農者自昔已多相交若無國界及倡開水田來者益衆他國未能比擬其本邦人士於光緒末年始行僑居終以地面荒蕪未臻發達新國成立民族協和諸賴良友提攜建設王道樂土帝國前途希望無涯爰輯僑民志首叙憲兵隊經過之勳業次叙守備隊大討伐之武功次叙領事館再次叙日鮮居留民會而以戶口表附焉



### 大日本奉天憲兵分隊通化分遣隊

日本憲兵隊所負責任至爲重大除約束軍隊外兼有行政警察性質調和民族保護治安於我邑樹立勳績殊多尤爲有關於縣史者則於白衛軍之役爲吾人所不能或忘者也大同元年夏初唐聚五竊據東邊捐掠層出民不聊生十月五日日滿聯合軍大舉討伐騎兵第一旅團於十四日混成第十四旅團於十五日相繼入城憲兵隊與焉其後軍事平定維持治安恢復行政均出該隊之扶助茲分述於左

一憲兵隊之設立及變遷 昭和七年冬卽大同元年十一月一

日混成第十四旅團配屬憲兵解除責任今憲兵隊急設完成

賃遼寧民衆銀行舊址爲隊部部址組織人員計准士官一下士官三上等兵四名通譯一名馬丁三名軍馬六頭補助憲兵十二名昭和八年四月九日卽大同二年四月九日改正編制奉天憲兵隊部爲分隊本隊即改稱爲通化分遣隊

二憲兵隊已往之勳業 當憲兵隊設立之初敗潰游勇結聯胡匪到處擄掠社會崩壞統治機關自縣署以下概皆停閉自城廂以至鄉村無人統治混沌之狀恰如蜂蟻營營不安經該隊努力撫慰良善安定秩序各機關復活俾官民治體循軌道進行治安勳業大告成功

通化領事分館於白衛軍入城之後奉命退歸奉天及討伐隊



入城始行恢復憲兵隊於日側警察機關未復時執行各種警察職務保護居留日鮮人之生命財產而朝鮮人民會復活監督自衛軍餘孽及不逞鮮人以免其爲破壞行爲並令恢復普通學校以興教育

日鮮滿人民間亘多年之爭執問題均經該隊維持圓滿解決又關於融和日鮮滿人間之感情亦有甚大之努力效果卓著三現在人員 准士官一下士官三上等兵五通譯一馬丁一小使一隊馬三云云

### 守備隊

自衛軍潰散後城鄉治安由憲兵隊騎兵第一旅團及混成第十四

旅努力恢復人民得以安業其後轉防他處守備隊獨立第五隊移鎮本邑勦撫胡匪安輯良善極著勳勞康德元年秋農事完畢草木凋零舉行特別工作大張撻伐冒犯嚴寒不畏霜雪悍匪王殿陽劉海元次第獻馘人民愛戴若奉生佛隊長井上金土待人誠篤作事精幹遇有匪警每自率隊出發獨當其鋒而匪人望風警潰若畏天神云耳

### 駐通化日本領事分館

日本領事分館之設所以保護日韓僑民管理僑民商業及經辦商民間之交涉也在通組織之始爲民國六年二月當設在東門外大街復遷移南江沿租賃鴨綠江採木公司通化分局地址俟因八道



江局改駐通化該館乃於民國十四年春移居南關係租賃民宅館內設領事一人關於滿日兩側交涉事屬之署長一人關於巡查事屬之設部長一人關於外巡偵訪等事屬之部長以下設繙譯書記官一人巡捕長一人巡捕四人至興京桓仁兩縣毘連通境韓僑已日漸增多故兩縣均設日本出張所惟興京事較繁多設部長一人桓仁僅設巡查一人大同元年春自衛軍興奉令全體退出至十月匪軍潰散隨討伐軍回通遷館址於縣署前舊教育局內房舍不敷辦公所需並租附近民房若干間應用而職員宿舍則租對街民房蓋因近來僑民商業日益發達館事特繁所致也茲將該館歷任領事署長及職員姓名列表於後

駐通化日本領事分館職官氏名一覽表

成立年月日	領事官氏名	着任年月	署長官氏名	着任年月	外務書記官氏名	着任年月	警部補官名	着任年月	巡查人員	巡捕人員
民國六年二月二十八日	市川季作	民國六年二月二十日	原田市二	民國六年二月二十日	湯田正一	民國十三年一月八日	吳橋幸次郎		四十一名	十五名
	山瀨悟一	民國八年七月十八日	小澤辨作	民國九年三月三日			高野曲立功			
	本田選	民國九年九月二十一日	板垣吉次	民國十年五月十三日			毛井正男			
		民國十一年十月十四日	古川科吉	民國十年十月二十三日			古澤荃次郎			
	阿部又重郎	民國十二年六月廿三日	小林武士	民國十三年六月九日			大川吉之助			
	櫻村武雄	民國十七年三月	小栗嘉治馬	民國十三年六月九日	王慶春育普	民國十四年三月一日	杉浦憲一	大同二年八月	民國一六年	不詳
	興津良郎	民國十九年十月	齋藤孫治	民國十五年一月十五日			吉原正	康德二年三月	民國一七年	全







大和會事務所

友邦僑民自日俄戰後卽有來者今該會副會長滑志田清吉先生是也次則爲廣濟堂葯房其餘雖有來者多未久居建國後民族協助借才鄰好來者始衆於康德元年秋爲聯絡情感及安慰寂寥而有大和會之設以國道局事務所所長爲正會長滑志田先生爲副會長進行會事此大和會成立之大概也

朝鮮人民會

朝鮮人民會成立於大正十三年四月二十六日賃南關什字西街路南民房爲會址專以聯絡鮮人感情指示正規經營商業爲宗旨歷年慘澹經營十餘年來會務日盛設立普通學校一處教育鮮人

子弟共有學生約二百名設立當時歲入九、四七〇元歲出相抵昭和九年一七、二二三元歲出相抵茲將該會歷任會長歷年會員及各區僑民數列表於左以備參考

朝鮮人民會歷任會長姓名一覽表

職名	姓名	職業	到職年月	備考
會長	李東成	農	大正十三年四月二十六日	
	李和榮	商	大正十四年四月十一日	
	金致連	全	昭和二年四月十五日	
	金相琳	全	昭和四年八月二十日	



李澤禧	農	昭和六年四月七日
李東成	全	昭和八年四月二十日
		現仍在職

歷年會員數一覽表

大正十三年四月二十六日	三、七〇〇名
十四年四月一日	七〇〇名
十五年四月一日	三〇〇名
昭和二年四月一日	二〇〇名
昭和三年四月一日	一五〇名
〇名	
昭和四年四月一日	一五〇名
昭和五年四月一日	一五〇名
〇名	
昭和六年四月一日	一五〇名
昭和七年四月一日	一五〇名
〇名	
昭和八年四月一日	六八五名
昭和九年四月一日	八三九名

通化全境韓僑戶口調查表

區別	戶數	人口		總計	職業
		男	女		
一區	三四〇	一〇〇	八九	一九〇	商農
二區	七	三	四	三五	全



明說	合計	八區	七區	六區	五區	四區	三區
按全境韓僑業農者十居七八業商者十居二三農民多種稻商民多以理髮造紙刻字爲事業	一五五	三	四	六	五	四	五
	四九三	八	三	九	七	五	二
	三七七	七	五	二	八	四	七
	八四〇	七	六	五	三	七	九
		全	全	全	全	全	全





正誤表

卷	卷	數頁	數行	數字	數字	誤	正
全	全	全	全	九	八	殞	殞
全	全	七一頁下面	全	四	十九 二十之中 望殞二字之中 落一字	鄉	鄉
全	全	七〇頁下面	全	九	十七	陣	陳
全	全	六九頁下面	全	八	五	娘	婚
全	全	六八頁上面	全	八	一	古	吉
全	全	六七頁上面	全	十	六	倘	尙
全	全	六五頁下面	全	一	十四	擊	繫
全	全	六五頁上面	全	三	二	丕	不
全	全	六四頁上面	全	十	六	酒	酒
全	全	六二頁下面	全	十	十一	東	動
全	全	六一頁下面	全	一	二	未	禾
全	全	全	全	全	二十九	四首	首四
全	全	五九頁上面	全	七	十四	遂	逆
全	全	五七頁下面	全	十	一〇	師	帥
卷	卷	四九頁上面	二	一	一、二	現任	曾充
全	全	四七頁下面	全	一	十一	甚	其
全	全	四四頁上面	全	六	六	日	曰
全	全	三九頁下面	全	四	二十三	官	宮
全	全	三六頁下面	全	三	二十	各	名
全	全	全	全	五	二十一	管	營
全	全	三一頁上面	全	三	八、九	業農世	世業農
全	全	二十九頁下面	全	六	十五	如	知
全	全	二十四頁上面	全	八	六	行	矢
全	全	一四頁上面	全	八	業膺兩字間 落一字		後
全	全	一一頁下面	全	四	二十四	畢	學
全	全	六頁上面	全	三	十四	攻	攻
全	全	五頁上面	全	八	六	然	海
卷	卷	一頁下面	二	九	二十五	涇	涇



